



22-238
7772-1
=6





五代史記卷第七

廬陵歐陽脩撰



徐無黨原注



南昌彭元瑞注

劉鳳誥排次

唐本紀第七

愍皇帝明宗第五子從厚也

五代史閔帝諱從厚小字菩薩奴明宗第三子也母

昭懿皇后夏氏以天祐十一年歲在甲戌十一月二十

入日庚申生帝于晉陽舊第五代會要閔帝諱從厚

明宗第三子母曰昭懿皇后夏氏唐天祐十一年十一

月二十八日庚申生于晉陽舊第五代史纂誤今按明宗家

帝以天祐十一年十一月二十八日庚申生于晉陽舊第

帝第三子此乃謂之第五子及薛為人形質豐厚寡言好禮

宗以其貌類已特愛之天成二年以檢校司徒拜河南

尹判六軍諸衛事加檢校太保同中書門下平章事從厚妃孔循女也安重誨怒循以女妻從厚三年罷循樞

密使出從厚為宣武軍節度使明年徙鎮河東長興元

年封從厚宋王五代會要長興元年八月封宋王徙鎮成德二年徙鎮

天雄累加兼中書令五代史帝髻亂好讀春秋畧通大義貌類明宗尤鍾愛天成元年授

金紫光祿大夫檢校司徒二年四月加檢校太保同平

章事河南尹判六軍諸衛事十一月加檢校太傅三年

三月授汴州節度使四年移鎮河東長興元年改授鎮

州節度使尋封宋王二年加檢校太尉兼侍中移鎮鄴

都三年加四年十一月秦王從榮伏誅明宗病甚遣宦

者孟漢瓊召王于鄴而明宗崩秘其喪六日十二月癸

卯朔發喪于西宮皇帝即位于柩前羣臣見于東階復

于喪位丙午成服于西宮原注二代五君於此始見嗣君即位服喪之事先君得其

終嗣君得其始而免禍亂于臣民於篡亂之世稀見之

事也故特詳書之五代史秦王從榮帝同母兄也以

帝有德望深所猜忌帝在鄴宮恒憂其禍然善于承順

竟免間隙四年十一月二十日秦王誅翼日明宗遣宣

徽使孟漢瓊馳驛召帝二十六日明宗崩二十九日帝

至自鄴十二月癸卯朔發喪于西宮帝于柩前即位丁

未羣臣上表請聽政表再上詔允已酉中外將士賜給

有差五代會要四年十二月一日自魏府入纂皇統即位于柩前年二十一年五代春秋庚戌登光政門樓

存問軍民辛亥殺司衣王氏癸丑始聽政乙卯殺司儀

康氏丁巳馮道為大行皇帝山陵使戶部尚書韓彥暉

為副中書舍人王延為判官禮部尚書王權為禮儀使

兵部尚書李麟為鹵簿使御史中丞龍敏為儀仗使左

僕射權判河南府盧質為橋道頓遞使丁卯禫五代史

緘服見羣臣于廣壽門之東廡下宰臣馮道進曰陛下

久居哀毀臣等咸願一覩聖顏朱宏昭前舉帷羣臣再

拜而退御光政樓存問軍民辛亥賜司衣王氏死坐秦

王事也癸丑以前鎮州節度使涇王從敏權知河南府

事尋以盧質代之乙卯賜司儀康氏死事連王氏也丙

辰以天雄軍節度判官唐納為諫議大夫掌書記趙彖

為起居郎元從都押衙宋令詢為磁州刺史丁巳以左

僕射平章事馮道為山陵使戶部尚書韓彥輝為副中

書舍人王延為判官禮部尚書王權為禮儀使兵部尚

書李鱗為鹵簿使御史中丞龍敏為儀仗使右僕射權

知河南府盧質為橋道頓遞使庚申以前相州刺史郝

瓊為右驍衛大將軍充宣徽北院使以光祿卿充三司

副使王玟為三司使癸亥故檢校太尉右衛上將軍充

三司使孫岳贈太尉齊國公丁卯帝釋縷服羣臣三上

表請復常膳御正殿從之辛未帝御中興殿羣臣列位

馮道升階進酒帝曰比于此物無愛除賓友之會不近

罇竿況在沉痛之中

應順元年春正月壬申朔視朝于廣壽殿原注著乙亥

契丹使都督沒辣干來戊寅大赦改元用樂回鶻可汗

王仁美遣使者來沙州瓜州遣使者來乙未朱宏昭馮

贊獻錢助作山陵五代史應順元年春正月壬申朔帝

御廣壽殿視朝百寮詣閣門奉慰時

議者云月首以朝服臨不視朝可也乙亥契丹遣使朝

貢丁丑以太常卿崔居儉為秘書監以前蔡州刺史張

繼祚為左武衛上將軍充山陵橋道頓遞副使戊寅御

明堂殿仗衛如儀宮懸樂作羣臣朝服就位宣制大赦

天下改長興五年為應順元年時議者以梓宮在殯宮

懸樂作非禮也懸而不作可也回鶻可汗仁美遣使貢

方物故可汗仁裕進遺馬是日命馮道加司空李愚

先帝鞍馬衣帶分賜藩位庚辰宰臣馮道加司空李愚

加右僕射劉昫加吏部尚書餘並如故壬午侍衛親軍

馬步軍都指揮使河陽節度使康義誠加檢校太尉兼

侍中判六軍諸衛事甲申以侍衛馬軍都指揮使寧國

五代史言行錄卷之十一

唐本系

三

使忠正軍節度使張從賓為涇州節度使並加檢校太
傅以捧聖左右廂都指揮使欽州刺史朱宏實為寧國
軍節度使加檢校太保充侍衛馬軍都指揮使以嚴衛
左右廂都指揮使巖州刺史皇甫遇為忠正軍節度使
檢校太保充侍衛步軍都指揮使戊子樞密使檢校太
尉同平章事朱宏昭樞密使檢校太尉兼中書門下二
品馬贊並加兼中書令北京留守河東節度使兼大中
彰國振武威塞等軍蕃漢馬步總管石敬瑭加兼中書
令幽州節度使塞等軍蕃漢馬步總管石敬瑭加兼中書
師兼中書令樞密使馬贊表堅讓中書令趙德鈞加檢校太
封邠國公庚寅鳳翔節度使王從珂加兼侍中青州
節度使檢校太尉兼中書令房溫加檢校太師辛卯
以翰林學士承旨尚書右丞李擇為工部尚書以秘書
監盧文紀為太常卿充山陵禮儀使壬辰荆南節度使
檢校太尉兼中書令馬希範封楚王甲午兩浙節度使檢
校太師守中書令吳元瓘進封吳越王前洛州團
練使皇甫立加檢校太保充鄜州節度使康福加檢校
太傅充邠州節度使劍南東西兩川節度使檢校太尉
兼中書令蜀王孟知祥加檢校太師制下知祥辭不受

命丙申鎮州節度使檢校太尉兼侍中趙延壽並加檢校太師戊戌山
度使檢校太尉兼侍中趙延壽並加檢校太師戊戌山
南西道節度使檢校太尉兼侍中趙延壽並加檢校太師戊戌山
使趙在禮節度使檢校太尉兼侍中趙延壽並加檢校太師戊戌山
都護楊檀兼大彰國振武威塞等
軍都虞候充北面馬軍都指揮使
后原注不書姓氏不曰冊某人為皇太甲寅冊太妃王
氏北京畱守石敬瑭獻銀絹助作山陵
宮臨癸卯御文明殿入閣以前右僕射權知河南府事
盧質為太子少傅兼河內尹以前右僕射權知河南府事
中知制誥陳又並為給事中充樞密院直學士宣徽南
院使驃騎大將軍左衛上將軍知內侍省孟漢瓊加開
府儀同三司賜忠貞扶運保泰功臣丙午正衙命使冊
皇太后曹氏戊申以前雄武軍節度使劉仲殷為右衛
上將軍邢州節度使趙鳳加爵邑自是諸藩鎮文武臣
寮皆次第加恩帝嗣位覃恩澤也以翰林學士中書舍
人崔悅為工部侍郎依前充職以給事中張鵬為御史
中丞以御史中丞龍敏為兵部侍郎以太僕少卿竇維

為大理卿甲寅正衙命使冊皇太妃王氏集賢院上言
準敕書修創凌烟閣等奉詔問閣高下等級謹按凌烟
閣都長安時在西內三清殿側畫像皆北面閣有中隔
閣內面北寫功臣題贊自西京板蕩四十餘年舊日主掌官
第圖畫功臣題贊自西京板蕩四十餘年舊日主掌官
吏及畫像工人並已淪喪集賢院所管寫真官畫真官
人數請不少都洛後廢職今將起閣望先定佐命功臣
數請下翰林院預令寫真本及下將作監與功次序間
架修建乃詔集賢御書院復置寫真官畫真官各一員
餘依所奏丁巳安州奏此月七日夜節度使符彥超為
部曲王希全所害廢朝一日戊午以前振武軍節度使
安北都護高行周為彰武節度使辛酉以前鄆州關使
范政為少府監丙寅幸至德宮車駕至興教門有飛鳶
自空而墜彊于御前是日大風晦冥五代會要應順
元年閏正月平章事兼修國史李愚與修撰判館事張
昭遠等進新修唐功臣列傳三十卷又唐應順元年
閏正月集賢院奏准勅書創修凌烟閣又奉正月二十
二日詔問閣高下等級凌烟閣都長安時元在西內三
清殿側畫像皆北向閣有隔隔內面北寫功臣題贊自西
面寫功高諸侯王隔外面次第圖畫功臣題贊自西京

傾陷四十餘年舊日主掌官吏及畫像工人淪喪集賢
院元管寫真官畫真官人數不少自遷都洛京並皆省
廢今將起閣特請先定佐命功臣人數下翰林院預令
寫真本及下將作入作與畫工相度間架修葺緣內有
先寫真官沈居隱畫真官王武瓊二人身死即日無人
應用伏候勅旨勅集賢御書院復置寫真官畫真官各
一員餘依所奏二月庚寅視作山陵鳳翔節度使潞王從珂反

辛卯西京畱守王思同為西面行營都部署靜難軍節

度使藥彥稠為副五代史二月乙亥以前鎮州節度使

徐州節度使檢校太傅李敬周為安州節度使是日宣

授鳳翔節度使潞王從珂為權北京畱守以北京畱守

石敬瑭權知鎮州軍州事以鎮州范延光權知鄴都畱

守事以前河中節度使洋王從璋權知鳳翔軍府事
庚寅幸山陵工作所是日西京畱守王思同奏鳳翔節
度使潞王從珂拒命丁酉王思同加同平章事充西面
行營都部署以前邠州節度使藥彥稠為副部署以河
中節度使安彥威為西面兵馬都監以前定州節度使

李德瑋為權北京留守山陵使奏伏觀御札皇帝親奉靈駕至園陵伏見累朝故事人君無親送葬之儀請車駕不行不從乙未樞密使馮贇起復視事時贇丁母憂也已亥以司農卿張鐔為殿中監庚子殿直楚匡祚上言監取亳州團練使李重吉至宋州繫于軍院重吉潞王之長子及幽于宋州帝猶以金帛賜之及聞西師咸使殺之三月丙辰思同兵潰嚴衛指揮使尹暉羽林指揮使楊思權以其軍叛降于從珂辛酉殺侍衛親軍馬軍都指揮使朱宏實癸亥河陽三城節度使康義誠為鳳翔行營都招討使王恩同為副西京留守劉遂雍叛降于從珂思同奔歸于京師不克死之丁卯京城巡檢使安從進叛殺馮贇朱宏昭自殺從進傳其二首于從珂五代史三月甲辰以前太僕少卿魏仁鑄為太僕卿興元節度使張虔釗奏會合討鳳翔丙午以右領衛

上將軍武延翰為郢州刺史丁未洋州孫漢韶奏至與元與張虔釗同議進軍己酉以鎮州節度使范延光依前檢校太師兼侍中行興唐尹克天雄軍節度使北水面水陸轉運制置使以北京留守河東節度使石敬瑭依前檢校太尉兼中書令其真定尹克鎮州節度使大同彰國振武威塞等軍蕃漢馬步總管如故辛亥以前定州節度使李德瑋為北京留守充河東節度使許王從益加檢校太保前河中節度使洋王從璋加檢校太傅詔藩侯帶平章事以上薨許立神道碑差官撰文未帶平章事及刺史準令式合立碑者其文任自製撰不在奏聞乙卯興元張虔釗奏自鎮將兵赴鳳翔收大散關宗正寺奏準故事諸陵有令丞各一員近例更委本縣令兼之緣河南洛陽是京邑兼令丞不便詔特置陵臺令丞各一員已未以前金吾大將軍李肅為左衛上將軍充山陵修奉上下宮都部署庚申西面步軍都監王景從等自軍前至奏今月十五日大軍進攻鳳翔十六日嚴衛右廂都指揮使尹暉引軍東面入城右羽林都指揮使楊思權引軍西面入城山南軍潰帝聞之謂康義誠等曰朕幼年嗣位委政大臣兄弟之間必無榛梗諸公大計見告朕獨難違事至于此何方轉禍朕當與

左右自往鳳翔迎兄主社稷朕自歸藩于理為便朱宏昭馮贇不對義誠曰西京驚潰蓋由主將失策今駕下兵甲尚多臣請自往關西振其兵威扼其衝要義誠又累奏請行帝召侍衛都將以下宣曰先皇帝棄萬國朕于兄弟之中無心爭立一旦被召主喪便委社稷岐陽兄長果致猜嫌卿等頃從先朝千征萬戰今日之事寧不痛心今據府庫悉以頒賜卿等勉之乃出銀絹錢厚賜于諸軍是時方事山陵復有此賜府藏為之一空軍士猶負賞物揚言于路曰到鳳翔更請一分其驕誕無畏如是辛酉幸左藏庫視給將士金帛是日誅馬軍都指揮使朱洪實坐與康義誠忿爭故也癸亥以康義誠為鳳翔行營都招討使餘如故以王思同為副招討使以安從進為順化軍節度使充侍衛馬軍都指揮使詔左右羽林軍四十指揮改為嚴衛左右龍武神武軍改為捧聖甲子陝州奏潞王至潼關害西面都部署王思同乙丑宣諭西面行營將士俟平鳳翔日人賞二百千府庫不足以宮闈服翫增給詔侍衛馬軍都指揮使安從進京城巡檢是日從進已得潞王書檄潛布腹心矣丁卯潞王至陝州戊辰帝急召孟漢瓊不至召朱宏昭宏昭懼投于井安從進尋殺馮贇于其第是夜帝以百

騎出元武門謂控鶴指揮使慕容遷曰爾誠有馬控鶴從予及駕出即闔門不行遷乃帝素親信者也臨危如是人皆 戊辰如衛州 原注不書帝崩者當于廢帝紀書惡之 日夜帝至衛州東七八里遇騎從自東來不避左右叱之乃曰鎮州節度使石敬瑭也帝喜敬瑭拜舞于路諭以潞王危社稷康義誠以下叛我無以自庇長公主見教逆爾于路謀社稷大計敬瑭曰衛州王宏贇宿舊諳事且就宏贇圖之敬瑭即馳騎而前見宏贇曰主上播遷至此危迫君戚屬也何以圖全宏贇曰天子避寇古亦有之然于奔迫之中亦有將相國寶法物所以軍長瞻奉不覺其亡也今宰執近臣從乎寶玉法物從乎詢之無有宏贇曰大樹將顛非一繩所維今以五十騎奔竄無將相一人擁從安能興復大計所謂蛟龍失雲雨者也今六軍將士總在潞邸矣公縱以威藩念舊無奈之何遂與宏贇同謁于驛亭宣坐謀之敬瑭以宏贇所陳以聞弓箭庫使沙守榮奔洪進前謂敬瑭曰主上即明宗愛子公即明宗愛婿富貴既同受休戚合共之今謀于戚藩欲期安復翻索從臣國寶欲以此為辭為賊算天子耶乃抽佩刀刺敬瑭敬瑭親將陳暉扞之守榮

與暉單戰而死洪進亦自刎是日敬瑭盡誅帝之從騎五十餘輩獨畱帝于驛乃馳騎趨洛四月三日潞王入洛五日即位七日廢帝為鄂王遣宏贄子殿直王巒之衛州時宏贄已奉帝幸州解九日巒至帝遇鳩而崩時年二十一是一日辰時白虹貫日皇后孔氏在宮中及王巒迴即日與其四子並遇害晉高祖即位諡曰閔與秦王及末帝子重吉並葬于徽陵域中封纔數尺路人觀者悲之史臣曰閔帝爰自冲年素有合問及徵從代郎入踐堯階屬軒皇之弓劍初遺吳王之几杖未賜遽生猜間遂至奔亡蓋輔臣無安國之謀非少主有不君之咎以至越在草莽失守宗祧斯蓋天命之難諶土德之將謝也 五代會要應順元年四月七日廢為鄂王其月九日遇弒於衛州年二十二號一晉天福元年十二月追謚曰閔帝葬徽陵之封中二年號一應順盡元年宰相三人馮道李愚劉昫使相二十二二人王思同安元信馬希杲王建立范延光李從曠趙德鈞房知溫馬希振馬希範趙延壽高從誨錢元球馮贄安彥威盧文進康義誠朱宏昭張虔釗姚彥章張延朗錢元璪 五代春秋甲午應順元年正月改元西川孟知祥拒命盜殺安州符彥超二月鳳翔從珂拒命王思同帥師攻鳳翔不克從

珂舉兵向京師康義誠帥師討從珂河中安彥威陝州康思立叛王思同歿于師康義誠以師叛戊辰帝遜于衛州四月壬申從珂入京師戊寅帝崩于衛州通鑑考異閔帝實錄庚午朔四更帝至衛州東七入里遇敬瑭竇貞固晉高祖實錄始帝欲與少主俱西斷孟津北據壺關南向徵諸侯兵乃啟問康義誠西討作何制置云云漢高祖實錄是夜偵知少帝伏甲欲與從臣謀害晉高祖詐屏人對語方坐庭廡帝密遣御士石敢袖鎚立於後俄頃伏甲者起敢有勇力擁晉祖入一室以巨木塞門敢力當其鋒死之帝解佩刀遇夜晦以在地葦炬未燃者奮擊之眾謂短兵也遂散走帝乃匿身長垣下聞帝親將李洪信謂人曰石太尉死矣帝隔垣呼洪信曰太尉無恙乃踰垣出就洪信兵共護晉祖殺建謀者以少主授王宏贄南唐烈祖實錄宏贄曰今京國阡危百官無主必相率攜神器西向公何不囚少帝西迎潞王此萬全之計敬瑭然其語 太平御覽後唐應順末少帝失位自潞涉河與數百騎欲奔鄴時晉高祖改鎮常山亦自郡詣闕夜與帝遇於獲嘉俱入衛郡郵舍中是夜少帝伏甲欲與從臣謀害高祖詐屏人對語方坐於亭廡帝密遣御士石敢袖鎚立其後伏甲者俄起

左右驚擾敢素有勇力擁高祖入一室以巨木塞門敢力當其鋒等死焉

廢帝鎮州平山人也本姓王氏其世微賤母魏氏少寡

明宗為騎將過平山掠得之魏氏有子阿三已十餘歲

明宗養以為子名曰從珂五代史末帝諱從珂本姓王氏鎮州人也母宣憲皇后魏

氏以光啟元年歲在己巳正月二十三日生帝于平山

景福中明宗為武皇騎將略地至平山遇魏氏擄之帝

時年十餘歲明宗養為己子書考五代會要歐陽元諸

而傳會也太后稱仍從皇長子小字皆作養子惟實錄作元

及壯長七尺餘方頤大體材貌雄偉以驍果稱明宗甚

愛之在太原嘗與石敬瑭因擊毬同入于趙襄子之廟

見其塑像屹然起立帝秘之私心自負五代會要末

帝諱從珂本姓王氏明宗養為子母曰宣憲皇后魏氏

唐光啟元年正月二十三日生於鎮州平山縣之外舍

以其日為千春節北夢瑣言唐清泰主乃晉高祖之

婦兄也明宗始為太原將帥二主軍職未高因擊鞠入

趙襄子廟俱見土偶避位而立甚訝之潛亦自負及明

宗功高常畏懼二主曰趙襄子終能致福耶爾後二主

迭享大位通鑑考異張昭唐廢帝實錄云廢帝諱從

珂明宗皇帝之元子也母曰宣憲皇后魏氏鎮州平山

人中和末明宗徇地山東畱戍平山得魏后帝以光啟

元年正月二十三日生於外舍屬趙人負盟用兵不息

音問阻絕帝甫十歲方得歸宗時明宗為禪將性闊達

不能治生曹后亦疏於畫略生計所資惟宣憲而已曹

后未有胎允幹家宜室帝與部曲王建立皇甫立代北

往來供饋曹后憐之不異所生五代史纂誤今按明

宗家人傳云魏氏初適平山得其子母以歸又唐太祖

紀云景福二年克用出兵井陘擊王鎔急攻其平山景

五代史卷之七 唐本紀

唐本紀

唐本紀

唐本紀

唐本紀

唐本紀

唐本紀

唐本紀

五代史卷之七

唐本紀

唐本紀

唐本紀

唐本紀

類我五代史及從明宗征討以力戰知名莊宗嘗曰阿

胡柳三不惟與我同齒敢戰亦相類莊宗與梁軍戰于

時明宗先渡河莊宗不悅謂明宗曰公當為我死渡河

安往明宗待罪莊宗以帝從戰有功由是解愠天祐十

八年莊宗營于河上議討鎮州畱守符存審在德勝若

未行梁人謂莊宗已北乃悉眾攻德勝莊宗命明宗存

審為兩翼以抗之自以中軍前進梁軍退却帝以十數

騎雜梁軍而退至壘門大呼斬首數級斧其望櫓而還

莊宗大噓曰壯哉阿二賜酒一器同光元年四月從明

宗襲破鄆州九月莊宗敗梁將王彥章于中都急趨汴

州明宗將前軍帝率勁騎以從晝夜兼行率先下汴城

莊宗勞明宗曰復唐同光二年為衛州刺史突騎指揮

使戍于石門明宗討趙在禮自魏反兵而南從珂率戍

兵自曲陽孟縣馳出常山以追明宗明宗之南也兵少

得從珂兵在後而軍聲大振

五代史二年以帝為衛州

刺史時有王安節者昭宗

朝相杜讓能之宅吏也安節少善賈得相術于奇士因

事見帝于私邸退謂人曰真北方天王相也位當為天

子終則我莫知也三年明宗奉詔北禦契丹以家在太

原表帝為北京內衙指揮使莊宗不悅以帝為突騎都

指揮使遣戍石門四年魏州軍亂明宗赴洛時帝在橫

水率部下軍士由曲陽孟縣趨常山與王建立會倍道

兼行渡河而南由明宗入立拜從珂河中節度使封潞

是明宗軍聲大振明宗入立拜從珂河中節度使封潞

王清異錄潞王從珂出馳獵從者皆輕零

衫佛光袴佛光者以雜色橫合為袴

是時明宗春

秋已高王子諸子次最長樞密使安重誨患之乃矯詔

河中裨將楊彥溫使圖之王閱馬于黃龍莊彥溫即閉

門拒之王止于虞鄉以聞明宗召王還京師居之清化

里第重誨數請行軍法明宗不聽後重誨見殺乃起王

為左衛大將軍西京畱守

五代史天成初以帝為河中

節度使明年二月加檢校太

尉

十

十

十

十

保同平章事十一月加檢校太傅長興元年加檢校太尉先是帝與樞密使安重誨在常山因杯盤失意帝以拳擊重誨腦中其櫛走而獲免帝雖悔謝然重誨終銜之及帝鎮河中重誨知其出入不時因矯宣中旨令牙將楊彥溫遇出郭則閉門勿納是歲四月五日帝閱馬于黃龍莊彥溫閉城拒帝帝聞難遠還遣問其故彥溫曰但請相公入朝此城不可入也帝止虞鄉以聞明宗詔帝歸闕遣藥彥稠將兵討彥溫令生致之面要鞫問十一月收城彥溫已死明宗以彥稠不能生致彥溫甚怒之後數日安重誨以帝失守諷宰相論奏行法明宗不悅重誨又自論奏明宗曰朕為小將校時家徒衣食不足賴此兒荷石灰收馬糞存養以至今貴為天子而不能庇一兒卿欲行朝典朕未曉其義卿等可速退從他私第閒坐遂詔歸清化里第不預朝請帝尚懼重誨多方危陷但日諷佛書陰禱而已二年安重誨得罪帝即授左衛大將軍未幾復檢校太傅同平章事行京兆尹充西長興三年為鳳翔節度使五代史三年進位太京畱守長興三年為鳳翔節度使五代史三年進位太年五月封潞王閔帝即位加兼侍中王子重吉自明宗

時典禁兵為控鶴指揮使愍帝即位朱宏昭馮贇用事乃罷重吉兵職出為亳州團練使又徙王為北京畱守不降制書而宣授又以李從璋為代初安重誨得罪罷河中以從璋為代而重誨見殺故王益自疑遂據城反五代史既而帝子重吉出刺亳州女尼入宮帝方憂不測應順元年二月移帝鎮太原是時不降制書唯以宣授而已帝聞之各賓佐將吏以謀之皆曰主上年幼未親庶事軍國大政悉委朱宏昭等王必無保全之理判官馬裔孫曰君命召不俟駕而行諸君凶言非令圖也是夜帝令李專美草檄求援諸道欲誅君側之罪王氏見聞錄清泰之在岐陽也有一馬步判官何某年踰八十忽暴卒云有使者拘錄引出冥間見陰君曰汝無他故今放汝還與吾言于潞王曰來年三月當帝天下可速返達吾之旨言訖引出使者送歸及蘇遂以其事密白王之左右咸以妖妄而莫之信由是不得聞于王月餘又暴卒入冥復見陰君陰君怒而責之曰何故受吾

教而竟不能達耶徐曰放汝去可速道吾言仍請王畫
 吾形及地藏菩薩像何惶恐而退見其庭院廊廡之下
 簿書雜亂吏胥交橫何問之使者曰此是朝代將變升
 降去留將來之官爵也及再活托以詞訟見王及見之
 且曰某有密事上白王因屏左右問之備述所見王未
 之信何曰某年踰入十死在旦夕豈敢虛妄也王默遣
 之來春果下詔攻岐陽唯何叟獨喜知其必驗至期何
 叟之言毫髮無差矣清泰即位擢何叟為天興縣令固
 知冥數前定人 **愍帝遣王思同會諸鎮兵討之思同戰**
 力其能過乎 **敗走諸鎮兵皆潰** 五代史朝廷命王思同率師來討三
 衆攻城帝登城垂泣諭于外曰我年未二十從先帝征
 伐出生入死金瘡滿身樹立得社稷軍士從我登陣者
 多矣今朝廷信任賊臣殘害骨肉且我有何罪因慟哭
 聞者哀之時羽林軍都指揮使楊思權謂衆曰大相公
 吾主也遂引軍自西門入嚴衛都指揮使尹暉亦引軍
 自東門而入外軍悉潰 王氏見聞錄後唐少帝朝清
 泰王起于岐陽朝廷詔西京留守王思同統禁旅征之
 王師西出之後尋聞劇壘雍京僚屬日登西樓望其捷

音忽一日官僚憑檻西向見羊馬城上有二大蛇東西
 以首相向為從者輩遙擲彈丸以警之于時一人擲中
 東蛇之腦蜿蜒然墮于牆下挺然不動使人視之已卒
 矣其西蛇徐徐入于穴隙之間識者竊議之曰潞王乙
 巳生統帥王公亦乙巳生俱為蛇相今東蛇中腦而卒
 豈非王師不利乎未逾旬日羣帥叛歸潞王思同腹心
 都將王彥暉已下並投岐城納款同單馬
 而遜竟沒于王事焉蛇亡之兆得不明乎

清泰元年三月丁巳王以兵東 五代史十七日率居民

整衆而東 玉堂閒話元宗皇帝御容夾紵作本在整
 屋縣貞元中忽有僧如狂負之置于武功潛龍宮宮即
 神堯故第也今為佛宇御容唯衣絳紗衣幅巾而已寺
 僧云莊宗入汴明宗入洛泊清泰東赴伊瀝之歲額上
 皆有汗流學士張沆嘗聞之而未之信及經武功乃細
 視之果如其說又意其雨漏所致而幅巾之上則無自
 天福之後 **庚申次長安西京副留守劉遂雍叛于唐來**
 其汗遂絕

降甲子次華州執藥彥稠丙寅次靈寶河中安彥威陝

州康思立叛于唐來降己巳次陝州康義誠叛于唐來

降五代史纂誤今按愍帝以三月戊辰如衛州而此乃書已巳日事訖方書愍帝之出又傳義誠行至新安

而降從珂今乃書殺宣徽使孟漢瓊愍帝出居于衛州

五代史二十日次長安副雷守劉遂雍以城降率京兆

居民家財犒軍二十三日次靈口誅王思同二十四日

次華州收藥彥稠繫獄二十五日次閔鄉王仲皋父子

迎謁命誅之二十六日次靈寶河中節度使安彥威來

降待罪宥之遣歸鎮陝州節度使康師立奉迎二十七

日次陝州下令告諭京城二十八日康義誠軍前兵士

相繼來降義誠詣軍門請罪帝宥之駕下諸軍畢至誅

宣徽南院使孟漢瓊于路左是夜閔帝與帳下親騎百

餘出元武門而去冊府元龜未帝初為潞王舉兵向

關次陝州下令曰余叨居冢嫡謬列磐維成家于十死

九生立國于千征萬戰事父母敦于盡孝為臣子敢于

盡忠將期夾輔之勲以廣文明之祚一昨先皇晏駕嗣

聖承祧敢不遵周召以勤王相成康而在位社稷既然

有奉人民于是知歸但固宗祊敢論季孟豈意梓宮在

阼靈駕未歸而朱宏昭馮贊等妄興猜忌之心驟起窺

圖之計喪紀在近除書遠行津涯莫知迫促尤甚況又

不宣麻制便降使臣立遣離藩俾其懼禍霆電之速軍

民可知是以聊葺城池以緩礮机十鎮驅貔而遽至

與之締結長興之季氣焰燿灼開府驃騎之資期月遍
歷西軍既叛人主拱手待斃鄂王急召漢瓊欲先令入
鄴漢瓊匿不奉詔知帝及陝乃夏四月壬申入京師馮
單馬趨陝至澠池西斬于路左

道率百官迎王于蔣橋王辭不見入哭于西宮遂見羣

臣道拜王答拜入居于至德宮五代史夏四月壬申帝至蔣橋文武百官立班

奉迎教旨以未拜梓宮未可相見俟會于至德宮時六

軍勳臣及節將內職已累表勸進是日帝入謁太后太

如至西宮伏梓宮慟哭宰相與百寮班見致拜帝答拜

馮道上賤勸進帝立謂羣臣曰子之此行事非獲已當

俟主上歸闕園陵禮終退守藩癸酉以太后令降天子

服諸公言遽及此信無謂也癸酉以太后令降天子

為鄂王命王監國乙亥皇帝即位五代史衛州刺史王

月二十九日至州癸酉皇太后下令降閔帝為鄂王又

太后令曰先皇帝誕膺天睠光紹帝圖明誠動于三靈

德澤被于四海方期偃革遽歎遺弓自少主之承祧為

奸臣之擅命離間骨肉猜忌磐維既輒易于藩垣復驟

興于兵甲遂至輕離社稷大撓軍民萬世鴻基將墜于

地皇長子潞王從珂位居冢嗣德茂冲年乃武乃文惟

忠惟孝前朝廓清多難有戰伐之大功纘紹丕圖有夾

輔之盛業今以宗祧乏祀園寢有期須委親賢俾居監

撫免萬機之壅滯慰兆庶之推崇可起今月四日知軍

國事權以書詔印施行是日監國在至德宮宰臣馮道

等率百官班于宮門待罪帝出于庭曰相公諸人何罪
請復位乃退甲戌太后令曰先皇帝櫛風沐雨平定華
夷嗣洪業于艱難致蒼生于富庶鄂王嗣位奸臣弄權
作福作威不誠不信離間骨肉猜忌磐維鄂王輕捨宗
祧不克負荷洪基大寶危若綴旒須立長君以紹丕構
皇長子潞王從珂日躋孝敬天縱聰明有神武之英姿
有寬仁之偉畧先朝經綸草昧廓靜寰區辛勤有百戰
之勞忠貞贊一統之運臣誠子道冠古超今而又克己
化民推心撫士率土之謳歌有屬上蒼之瞻命攸臨一
日萬幾不可以暫曠九州四海不可以無歸況因山有
期同軌斯至永言嗣守屬任元良宜即皇帝位乙亥監
國赴西宮柩前告奠即位攝中書令李愚宣冊書曰維
應順元年歲次甲午四月庚午朔六日乙亥文武百寮
特進守司空兼門下侍郎同中書門下平章事充太微

宮使宏文館大學士上柱國始平郡公食邑二千五百
戶臣馮道等九千五百九十三人上言帝王興運天地
同符河出圖而洛出書雲從龍而風從虎莫不恢張入
表覆育兆民立大定之基保無疆之祚人謠再洽天命
顯歸須登宸極之尊以奉祖宗之祀伏惟皇帝陛下天
資仁智神助機權奉莊宗于多難之時從先帝于四征
之際凡當決勝無不成功泊正皇綱每嚴師律為國家
之志大守臣子之道全自泣遺弓常悲易月欲期同軌
親赴因山而自鄂王承祧奸臣擅命致神祇之乏饗激
朝野以歸心使屈者伸令否者泰人情大順天象至明
聚東井以呈祥拱北辰而應運由是文武百辟岳牧羣
賢至于比屋之倫盡視當陽之位今則承太后慈旨守
先朝遠圖撫四海九州享千齡萬祀臣等不勝大願謹
就殿之東楹受羣臣稱賀先是帝在鳳翔日有瞽者張
濛自言知術數事太白山人其神祠即元魏時崔浩廟
也時之否泰人之休咎濛告于神即傳吉凶之言帝親
校房濛酷信之一日濛至府聞帝語聲駭然曰非人臣
也濛詢其事即傳神語曰三珠併一珠驢馬沒人驅歲
月甲庚午中興戊己土濛請解釋曰神言予不知也長

興四年五月府解諸門無故自動人頗駭異遣濛問濛
濛曰衙署小異勿怪不出三日當有恩命是夜報至封
濛王及帝移鎮河東甚懼問濛濛曰王保無患王思同
兵至又詰之濛曰王有天下不能獨立朝廷兵來迎王
也王若疑臣惟一子請王致之麾下以質臣心帝乃
以濛攝館驛巡官至是帝受冊冊曰維應順元年歲次
甲午四月庚午朔帝回視房濛曰張濛神言甲庚午不
亦異乎帝令濛共術士解三珠一珠濛言三珠三帝也
驢馬沒人驅失位也帝即位之後以濛為將作少監同
正仍賜金紫以酬之帝初封濛王言事者云濛字一足
己入洛矣又帝在鳳翔日有何叟者年踰七十暴卒見
陰官凭几告叟曰為我言于濛王來年三月當為天子
安得違吾旨不達其意再放汝還退見廊廡下簿書以
問主者曰朝代將易此即升降人爵之籍也及蘇詣帝
親校劉延朗告之帝召而問之叟曰請質之此言無徵
戮之可也後人云二十三蓋帝之小字也又石壕人胡
杲通善天文帝召問之曰王貴不可言若舉動宜以乙
未年及舉兵又問之杲通曰今歲葭首王者不宜建功
立事若俟來歲入朝則福祚永遠矣其後皆驗夫如是

大寶之位必有冥數可輕道哉 五代會要應順元年四月三日自鳳翔入纂皇統六日赴西宮即位於柩前

十年五月丙子率河南民財以賞軍丁丑借民房課五月以賞軍

五代史丙子詔河南府率京城居民之財以助賞軍丁丑又詔預借居民五箇月房課不問士庶一槩施行帝素輕財好施自岐下為諸軍推戴告軍士曰侯入洛人賞百千至是以府藏空匱于是有配率之令京城庶士自絕者相繼以文獻通考潞王之初發鳳翔也許軍士以入洛人賞錢百緡至閏實金帛不過三萬兩正而賞軍之費計用五十萬緡帝怒三司使王玫請率京城民財以足之又據屋為率無問白居及僦者預借五月僦直有司百方歛民財僅得六萬帝怒下軍巡獄晝夜督責囚繫滿獄貧者至自經赴井而軍士遊市肆皆有驕色市人聚詬之是時竭左藏舊物及諸道貢獻乃至太后太妃器服簪珥皆出之纔及二十萬緡帝患之李專美曰臣切思自長興之季賞賚亟行卒以自驕繼以山陵及出師帑藏遂涸雖有無窮之財終不能滿驕卒之心故陛下狹手於危困之中而得天下夫國之存亡不專繫於厚賞亦在修法度立紀綱陛下苟不

改覆車之轍臣恐徒困百姓存亡未可知也今財力盡於此矣宜據所有均給之何必踐初言乎帝以為然壬辰詔禁軍在鳳翔歸命者自楊思權尹暉等各賜二馬一駝錢七十緡下至軍人錢二十緡其在京者各十緡軍士無厭猶怨望為謠言曰除去菩薩扶

立生鐵以閔帝仁弱帝剛嚴有悔心故也 戊寅弒鄂王原注義與弒濟陰王同 夢溪筆談本朝要事對稟常事擬進入畫可然後施行謂之熟狀事速不及待制則先行下具制草奏知謂之進草狀白紙書宰相押字他執政具姓名進草即黃紙書宰相押字

堂檢宰執皆不押唯宰屬於檢背書曰堂吏書名用印此擬狀有詞宰相押檢不印此其為異也大率唐人風俗自朝廷下至郡縣決事皆有詞謂之判則書判科是也押檢二人乃馮道李愚也狀檢瀛王親筆甚有改竄勾抹處按舊五代應順元年四月九日已卯鄂王薨庚辰以宰相劉昫右判三司正是十日與此檢無差宋次道紀開元宰相奏請鄭畋鳳池藁草擬狀注制集悉多用四六皆宰相自草今此擬狀馮道親筆蓋故事也

慈州刺史宋令詢死之 五代史宋令詢不知何許人也 閔帝在藩時補為客將知書樂

善動皆由禮長興中閔帝連典大藩遷為都押衙參輔
 閩政甚有時譽閔帝深委之及閔帝嗣位朱馮用事不
 欲閔帝之舊臣在于左右乃出為磁州刺史閔帝蒙塵
 于衛令詢日令人奔問及聞帝遇害大慟半日自經而
 卒
 乙酉大赦改元戊子殺康義誠及藥彥稠原注義誠
 罪宜日誅而廢帝同惡相殺故書殺五代史已卯衛
 州奏此月九日鄂王薨庚辰以宰臣劉昫判三司辛巳
 邢州奏磁州刺史宋令詢自經而卒令詢鄂王在藩時
 都押牙也故至于甲申帝以鄂王薨行服于內園羣
 臣奉慰癸未太后太妃出宮中衣服器用以助賞軍乙
 酉帝服袞冕御明堂殿文武百寮朝服就位宣制改應
 順元年為清泰元年大赦天下常赦不原者咸赦除之
 丁亥以宣徽北院使郝瓊為宣徽南院使權判樞密院
 以前三司使王玫為宣徽北院使以隨駕牙將宋審虔
 為皇城使劉延朗為莊宅使鳳翔節度判官韓昭允為
 左諫議大夫充端明殿學士觀察判官馬裔孫為翰林
 學士掌書記李專美為樞密院直學士戊子侍衛親軍
 都指揮使康義誠伏誅是日詔曰樞密使朱宏昭馮贊
 宣徽南院使孟漢瓊西京留守王思同前邠州節度使

藥彥稠共相朋煽妄舉干戈互與離間之謀幾構傾亡
 之禍宜行顯戮以快羣情仍削奪官爵云庚寅鳳翔奏
 西川孟知祥僭稱大蜀年號明德有司上言皇帝以五
 月朔日御明堂殿受朝三日夏至祀皇地祇前二日奏
 告獻祖室不坐比正旦冬至是日有祀事則次日受朝
 今祀在五日鼓前質明行禮畢御殿在旦後請比例行之
 詔曰日出御殿舉祀事無妨宜依常年例史官奏凡書
 詔及處分公事臣下奏議望令近臣錄付當館詔端明
 殿學士韓昭允樞密直學士李專美錄送辛卯以左諫
 議大夫盧損為右散騎常侍壬辰詔賜禁軍及鳳翔城
 下歸命將校錢帛各有差初帝離岐下諸軍皆望以不
 次之賞及從至京師不滿所望相與謠曰去却生菩薩
 扶起一條鐵其無厭如此鐵案通鑑三卷作除云去却生菩薩
 丙申葬明宗皇帝于徽陵鐵案通鑑三卷作除云去却生菩薩
 山陵使司空兼門下侍郎平章事馮道奏納政不允
 朔明堂受朝三日夏至祀皇地祇前二日奏告獻祖室
 不坐比正至是日有祀事則次日受朝今祀在五鼓前
 質明行禮畢御殿在始旦後請比例施行之五月丙午端
 勅曰出御殿與祀事無妨宜依常例施行之五月丙午端

明殿學士左諫議大夫韓昭允為樞密使莊宅使劉延朗為樞密副使庚戌馮道罷天雄軍節度使范延光為

樞密使甲寅賜勸進選人宗子官五代史五月庚子朔御文明殿受朝賀乙

巳以左龍武指揮使安審琦為左右嚴衛都指揮使丙午以

右千牛上將軍符彥饒為左右嚴衛都指揮使丙午以

端明殿學士韓昭允為樞密使以莊宅使劉延朗為樞

密副使以權知樞密事房嵩為宣徽北院使以成德軍

節度大同彰國振武威塞等軍蕃漢馬步都署檢校

太尉兼中書令駙馬都尉石敬瑭為北京留守河東節

度使加檢校太師兼中書令都尉趙延壽進封魯國公戊申

檢校太師兼侍中駙馬都尉趙延壽進封魯國公戊申

中書門下奏太常禮院狀明宗以此月二十日祔廟宰

臣攝太尉行事緣馮道在假李愚十八日私忌在致齋

內劉昫又奏判三司免祀事詔禮官參酌有司上言李

愚私忌在致齋內諸私忌日遇大朝會入閣宣名皆赴

朝參今祔廟事大忌日屬私請比大朝會宣名例從之

以陝府節度使康思立為邢州節度使以同州節度使

安重霸為西京留守以羽林右第一軍都指揮使春州

刺史楊思權為邠州節度使己酉左監門衛將軍孔知

鄴右驍衛將軍華光裔並勒停見任時差知鄴州告

廟稱疾辭命改差光裔復稱馬墜傷足故俱罷之庚戌

以司空兼門下侍郎平章事馮道為檢校太尉同平章

事充同州節度使以天雄軍節度使范延光為樞密使

封齊國公鄆州節度使李從職為鳳翔節度使辛亥以

嚴衛都指揮使尹暉為齊州防禦使甲寅以侍衛馬軍

都指揮順化軍節度使安從進為河陽節度使典軍如

故太常卿盧文紀奏明宗一室酌獻舞曲請名雍熙之

舞從之丁巳以皇子銀青光祿大夫檢校工部尚書重

美為檢校司徒守左衛上將軍自是諸道節度使刺史

文武臣僚相繼加檢校官或階爵封邑以帝登位覃慶

上餘如故中書侍郎兼吏部尚書同平章事集賢院大
 學士判三司劉昫加門下侍郎兼吏部尚書平章事監
 修國史判三司癸亥秦州奏西川孟知祥出軍迫陷成
 州以宣徽南院使右驍衛大將軍郝瓊為左驍衛上將
 軍職如故以前義州刺史張承祐為武勝軍雷後戊辰
 以前右龍武統軍王景戡為右驍衛上將軍雷後戊辰
 要清泰元年五月宰臣劉昫奏中書以近勅祠祭行事
 官致齋內唯祀事得行其餘悉斷又宰臣行事致齋內
 不押班不赴內殿起居不知印臣緣判三六月庚辰幸
 司公事其祀事國忌行香伏乞特免從之

范延光及索自通第五代史六月庚辰幸
 封吳岳成德公為靈應王禮秩同五岳帝初起遣使祭
 岳以求祐及登阼故有是報幽州節度使趙德鈞進封
 北平王青州節度使房知溫進封東平王癸酉以前鄜
 州節度使索自通為右龍武統軍甲戌皇子左衛上將
 軍重美加檢校太保同平章事充鎮州節度使兼河南
 尹判六軍諸衛事丁丑詔天下見禁罪人委所在長吏
 躬親慮問疾速疏決庚辰幸至德宮因幸房知溫安元
 信范延光索自通李從敏第壬午以檢校太子太傅致

仕王建立為檢校太尉兼侍中鄆州節度使以前宋州
 節度使安元信為檢校太尉兼侍中潞州節度使以前
 三司使劉昫奏天下戶民自天成二年括定秋夏田稅
 迨今八年近者相次有百姓請闕訴田不均累行蠲放
 漸失稅額望差朝臣一槩檢視不報甲申帝為故皇子
 毫州刺史重吉皇長女尼惠明大師幼澄俱為閔帝所害
 臣詣閣門奉慰帝起兵之始重吉幼澄俱為閔帝所害
 乙酉以戶部侍郎韓彥恂為絳州刺史以左武衛上將
 軍李肅為單州刺史丙戌襄州節度使趙在禮加同平
 章事甲午以武勝軍雷後張承祐為華州節度使以皇
 城使宋審虔為壽州節度使充侍衛步軍都指揮使以
 右衛上將軍劉仲殷為宋州節度使充侍衛步軍都指
 揮使壽州節度使皇甫遇為鄧州節度使以前華州節
 度使華溫琪為太子太傅致仕丁酉左神武統軍周知
 裕卒贈太傅是月京師水旱甚暵死者百餘人軍嚴
 代會要清泰元年六月改捧聖馬軍為彰聖左右軍
 衛步軍為寧衛左右軍又清泰元年六月封幽州節
 度使趙德鈞為北平王青州節度使房知溫為東平王
 在鳳翔將謀入篡大位潛令人禱吳岳冀獲資助及即

尊位乃詔有司別議尊崇中書門下奏唐天寶十載正月封吳山為成德公與沂山會稽醫巫閭同封至德二年十二月改吳山為岳祠享官屬一同五岳今國家以祈禱靈應宜示殊禮臣等商量請加封為靈應王從之

秋七月辛亥太常卿盧文紀為中書侍郎同中書門下平章事丁巳立沛國夫人劉氏為皇后

五代史秋七月致仕崔沂卒癸卯鳳翔進偽蜀孟知祥來書稱大蜀皇帝獻書于大唐皇帝且言見迫羣情以今年四月十二日即皇帝位云帝不答以前武州刺史鄭琮為右衛上將軍甲辰幸龍門佛寺禱雨乙巳皇子故亳州團練使重吉贈太尉仍于宋州置廟丁未鳳翔節度使李從曦相封西平王是日宰臣李愚對詢因論公事于政事堂相詬辭甚鄙惡帝令樞密副使劉延朗宣諭曰卿等輔弼之臣不宜如是今後不得更然辛亥以太常卿盧文紀為中書侍郎平章事是日中書門下三上章請立中宮從之丁巳制立沛國夫人劉氏為皇后庚申太子少傅陳皋卒乙丑史官張昭遠以所撰莊宗朝列傳三十卷上之五代會要七月封鳳翔節度使李從曦為西平

王八月辛未尚書左丞姚顛為中書侍郎同中書門下

平章事許御署官選原注御署官疑是廢帝初舉兵時所置之官以其非吏部正授故須

有旨方得選此于事無勸戒不必書以舊史不詳故存

所不知慎傳疑也五代史八月庚午詔蠲放長興四年十二月己前天下所欠殘稅辛未以前尚書左丞姚

顛為中書侍郎平章事詔應會受御署官逐攝同一任

正官依期限赴選荆南奏偽蜀孟知祥卒其子昶嗣位

壬申以尚書禮部侍郎鄭韜光為刑部尚書以前工部

侍郎楊凝式為禮部侍郎甲戌以前金州防禦使婁繼

英為右神武統軍以右神武統軍高允貞為左神武統

軍乙亥以翰林學士承旨工部尚書知制誥李懌為太

常卿以翰林學士承旨工部尚書知制誥李懌為太

甲申以兵部侍郎龍敏為吏部侍郎以秘書監崔居儉

龍武統軍索自通卒辛卯禮部尚書致仕李光憲卒甲午以太子少傅盧質為太子少師乙未以前邢州節度使趙鳳為太子太保詔文武百官差使宜令依倫次中書置簿不得重疊若當使者自緣有事或不欲行者注簿便當一使自長興三年正月後已會奉使者便為簿首已後差者次第注之有司上言皇后受冊內外命婦上賤無答教從之丙申御文明殿冊皇后命攝太尉宰臣盧文紀使副攝司徒右諫議大夫盧損詣皇后宮行禮畢恩賜有差五代會要清泰元年八月勅凡關差使須示均平今後文武百官充使者宜令依例輪差中書置簿不得重疊其內降官論不拘此例若當使自緣有事或不欲行注簿便當一使長興三年正月後已會奉使者便著為首九月契丹寇邊五代史九月己亥已後差使次第注之九月契丹寇邊五代史九月己亥崇都城門告宗廟社稷辛丑夜有星如五斗器西南流尾迹長數丈屈曲如龍形又眾星亂流不可勝數京師大兩霄如彈丸曹州刺史藥縱之卒甲辰以霖霑甚詔都下諸獄委御史臺憲錄問諸州縣差判官令錄親自錄問畫時疏理壬子中書門下舉行長興二年勅常年薦送舉人州郡行鄉飲酒之時帖太常草定儀注奏聞

甲寅以前潞州節度使檢校太尉同平章事盧文進為安州節度使己未雲州奏契丹寇境冬十月

戊寅李愚劉昫罷五代史冬十月辛未有雉金色止于中書政事堂中書門下奏請以正月

二十三日皇帝誕慶日為千春節從之戊寅宰臣李愚劉昫罷相以愚守左僕射昫守右僕射契丹寇雲應州

詔河東節度使石敬瑭率兵屯代州戊子宰臣姚顛奏吏部三銓近年併為一司望令依舊分銓從之辛卯以

左衛上將軍李宏元卒廢朝贈司徒癸巳以禮部郎中知制誥呂琦守本官充樞密院直學士十一月辛丑以

刑部侍郎鄭韜光為尚書左丞以光祿少卿烏昭遠為少府監秦州節度使張延朗奏率師伐蜀中書門下奏

二十六日明宗忌陛下初遇忌辰不同常歲請于忌辰前後各一日不坐朝從之御史臺奏前任節度使刺史

行軍副使雖每日于便殿起居每遇五日起居亦合綴班從之丙午以前興州刺史馮暉配同州衙前安置暉

為興州刺史屯乾渠蜀人來侵暉自屯所奔歸鳳翔故有是責丁未詔振武新州河東西北邊經契丹蹂踐處

放免三年兩稅差配時契丹初退故也癸丑以前華州節度使王萬榮為左驍衛上將軍致仕甲寅以振武節

度使楊光遠充大同彰國振武威塞等軍兵馬都虞候
以前右金吾大將軍穆延暉為右武衛上將軍壬戌以
禮部侍郎楊凝式為戶部侍郎甲子以中書舍人盧導
為禮部侍郎五代會要清泰元年十一月御史臺奏
前任節度防禦團練使刺史行軍副使近儀五月一日
內殿起居皆綴班序立元係班簿雖曰便殿起居其遇
全班起居時亦合綴班從之
又元年十一月敕杭州
護國廟改封崇德王城隍神改封順保義寧王銅官廟
改封福善通靈王湖州城隍神封阜裕安城王越州城
隍神封興德保闈王從兩浙節度使錢元瓘奏也
冊
府元龜清泰元年九月壬申宰臣李愚等奏臣覽國史
開元十七年宰臣張悅源乾曜奏改朔體元固聖主之
能事良辰嘉會亦俗化之大端蓋周人有合宴之儀漢
代有賜酺之律所以歌詠皇德啟迪人情至若泛菊高
臺遂號重陽之節流杯曲水永為上巳之游在昔偶行
于今不改豈足比君臨四海運應千年畫璿圖而敬授
民時秉玉燭而節宣和氣身為律度德合乾坤仰惟樞
寬之祥最是寰區之樂願從人欲特創節名封函尊示
于允俞自此永編于令式舊章斯在列聖常行將有擬
倫預慙膚淺伏惟皇帝陛下動遵典法克叶祖宗方今

五代史記卷之七 唐本紀

玉鏡高懸璿璣廣運告成功于廟社正大禮于宮闈是
以舞干率服于三苗班瑞雍熙于萬國臣等以獻歲元
正之月是猗蘭降聖之辰梅花映雪于上林椒酒迎春
于秘殿江邊野老願鑾輅之時巡陌上遊童醉堯樽而
獻祝謂于是月特舉節名副與人共樂之言致率土交
權之義臣等謹案元宗皇帝以八月五日載誕張說等
請以其日為千秋節臣等不睽庸暗輒體憲
十二月乙
亥雄武軍節度使張延朗為中書侍郎同中書門下平
章事
五代史纂誤今按延朗傳云延朗歷泰寧雄武軍
章事
五代史纂誤今按延朗傳云延朗歷泰寧雄武軍
判三司殊不言其契丹寇雲州庚寅幸龍門旱
五代史
為中書侍郎也
契丹寇雲州庚寅幸龍門旱
五代史
丁卯朔詔修奉本朝諸帝陵寢已巳以北面馬軍都指
揮使易州刺史安叔千為安北都護振武節度使以齊
州防禦使尹暉為彰國軍節度使庚午詔葬庶人從榮
有司上言依貞觀中庶人承乾以公禮葬從之乙亥以
秦州節度使張延朗為中書侍郎同平章事判三司以
中書侍郎平章事盧文紀為門下侍郎平章事監修國

五代史記卷之七 唐本紀

史以中書侍郎平章事姚顛兼集賢殿大學士以前邠
 州節度使康福為秦州節度使丙戌夜有白氣東西亘
 天庚寅幸龍門祈雪自九月至是無雨雪故也 冊府
 元龜李都清泰初為宗正少卿上言臣與本寺卿名同
 行公事不便欲改名知新從之 五代春秋甲午清泰
 元年四月庚午帝即位乙酉改元誅康義誠朱洪昭馮
 贊丙申葬明宗皇帝于徽陵八月蜀王知祥薨九月契
 丹寇雲州 清異錄清泰燕服凡兩品僕頭李家寬者
 漆地加金線稜 盤四脚差細

二年春 五代史清泰二年春正月丙申朔帝御明堂殿
 受朝賀仗衛如式乙巳中書門下奏遇千春節
 凡刑獄公事奏覆候次月施行今後請重繫者即候次
 月輕繫者即節前奏覆決遣從之戊申宗正寺奏北京
 應州曹州諸陵望差本州府長官朝拜雍坤和徽四陵
 差太常宗正卿朝拜從之己酉北京奏光祿卿致仕周
 元豹卒庚申鄴都進天王甲帝在藩時有相士言帝如
 毗沙天王帝知之竊喜及即位選軍士之魁偉者被以
 天王甲俾居宿衛因詔諸道造此甲而進之三司奏添
 徵蠶鹽錢及增麴價先是麴斤八十文增至一百五十

文乙丑雲州節度使張溫移鎮晉州以西京留守安重
 霸為雲州節度使 五代會要清泰二年正月月中書門
 下奏每遇聖誕節辰凡刑獄公事奏覆候次月施行今
 後伏請重繫者即候次月輕繫者節前奏覆決遣從之
 極又後唐清泰二年正月宗正寺奏北京永興長寧建
 朝拜雍坤和徽四陵太 二月甲戌范延光罷己丑追尊
 常宗正卿朝拜從之

魯國太夫人魏氏為皇太后 原注非嫡母故詳其爵氏
 節度使王從溫移鎮兗州振武軍節度使楊檀移鎮定
 州兼北面行營馬步都虞候甲戌以安州節度使李周
 為京兆尹充西京留守以樞密使天雄軍節度使范延
 光為檢校太師兼中書令充汴州節度使皇子鎮州節
 度使兼河南尹判六軍諸衛事左右街坊使重美加檢
 校太尉同平章事充天雄軍節度使餘如故辛巳以右
 諫議大夫盧損為御史中丞以御史中丞張鵬為刑部
 侍郎壬午寧遠軍節度使馬存加兼侍中鎮南軍節度
 使馬希振加兼中書令詔順義軍節度使姚彥章加兼
 侍中己丑宰臣盧文紀等上皇妣魯國太夫人尊謚曰

宣憲皇太后請三月辛丑忠武軍節度使趙延壽為樞
 密使五代史三月戊戌故太子太保趙鳳贈太傅辛丑
 使以前汴州節度使趙延壽為許州節度使兼樞密
 使以夏州行軍司馬李彝殷為本州節度使兄彝超卒
 故也癸卯以靜海軍節度使檢校太師兼中書令安南
 都護錢元球為守太保餘如故丙午以給事中趙光輔
 為右散騎常侍戊申皇妹魏國夫人石氏封晉國長公
 主齊國公主趙氏封燕國長公主己酉有司上言宣憲
 皇后未及山陵權于舊陵所建廟從之辛亥功德使奏
 每年誕節諸州府奏薦僧道其僧尼欲立講論科講經
 科表白科文章應制科持念科禪科聲贊科道士欲立
 經法科講論科文章應制科持念科禪科聲贊科焚修科以
 試其能否從之丙辰以右龍武統軍李德珪為涇州節
 度使庚申以鎮州節度使知軍府事董溫琪為鎮州節
 度使檢校太保壬戌以左右彰聖都指揮使富州刺史
 安審琦領楚州順化軍節度使軍職如故審琦受閔帝
 命西征至鳳翔而降故有是命是月太常丞史在德上
 疏言事其畧曰朝廷任人率多濫進稱文武士者不閑計
 策雖被堅執銳戰則棄甲窮則背軍稱文武士者不閑計

能多無士行問策謀則杜口作文字則倩人所謂虛設
 具員枉耗國力逢陛下維新之運是文明革弊之秋臣
 請應內外所管軍人凡勝衣甲者請宣下本部大將一
 一考試武藝短長權謀深淺居下位有將才者便拔為
 大將居上位無將畧者移之下軍其東班臣寮請內出
 策題下中書令宰臣面試如下位有大才者便拔居大
 位處大位無大才者即移之不僚其疏大約如此盧文
 紀等見其奏不悅班行亦多憤悻故諫官劉濤楊昭儉
 等上疏請出在德疏辨可否宣行中書覆奏亦駁其錯
 誤帝召學士馬裔孫謂曰史在德語太凶其實難容朕
 初臨天下須開言路若朝士以言獲罪誰敢言者爾代
 朕作詔勿加在德之罪詔曰左補闕劉濤等奏太常丞
 史在德所上章疏中書門下駁奏未奉宣諭乞特施行
 分明黜陟朕常覽貞觀故事見太宗未奉宣諭以貞觀昇
 平之運太宗明聖之君野無遺賢朝無闕政盡善盡美
 無得而名而陝縣丞皇甫德輒上封章忤行訕謗人
 臣無禮罪不容誅賴文貞之彌縫恕德參之狂瞽魏徵
 奏太宗曰陛下思聞得失只可恣其所陳若所言不中
 亦何損于國家朕每思之誠要言也遂得下情上達德
 盛業隆太宗之道彌光文貞之節斯著朕惟寡昧獲奉

宗祧業業兢兢懼不克荷思欲率循古道簡拔時材懷
 忠抱直之人虛心渴見便佞詭隨之說杜耳惡聞史在
 德近所獻陳誠無避忌中書以文字紕繆比類借差改
 易人名觸犯廟諱請歸憲法以示戒懲蓋以中書既委
 參詳合盡事理朕繼承前緒誘勸將來多言數窮雖聖
 祖之戒所戒于慮一得冀愚者之可從因覽文貞之言遂
 寬在德之罪已令停寢不遣宣行劉濤等官列諫垣宜
 陳讜議請定短長之理以行黜陟之文昔魏徵則請賞
 德參今濤等請黜在德事同言異何相遠哉將議允俞
 恐虧開納方朝廷粗理俊又畢臻留一在德不足為多
 去一在德未足為少苟可懲勸朕何憂焉但緣情在傾
 輸理難黜責濤等敷奏朕亦優容宜體含宏勉思竭盡
 凡百在下悉聽朕言五代會要清泰二年三月兩街
 功德使奏每年誕聖節諸道州府奏薦僧尼紫衣師號
 今欲量立條式講論科試講經表白各三科文章應制
 十三科持念一科禪科聲讚科並於本技能中條貫從
 之州府又清泰二年三月兩街功德使奏每年誕聖節諸
 道州府奏薦道士紫衣師號今欲量立條式經法科試
 義十道講論科試經論文章應制詩表白科試聲讚
 聲讚科試步虛三啟焚修科試齋醮從之容齋三筆

唐末帝清泰二年三月功德使奏每年誕聖節諸州府奏
 薦僧道其僧尼欲立講論科講經科講表白科文章應制
 科持念科禪科聲讚科焚修科道士經法科講論科文章應制
 科表白科聲讚科焚修科道士經法科講論科文章應制
 五代史記不知會行與否至何時而罷也蓋是時猶未
 鬻賣祠部度牒耳周世宗廢併寺院有詔約束云男年
 十五以上念得經文七十紙或讀得三百紙者經本府陳
 三以上念得經文七十紙或讀得三百紙者經本府陳
 狀乞剃頭委錄事參軍本判官試驗西京大各京兆府
 青州各起置戒壇候受戒時兩京委祠部差官引試其
 三處剃頭受戒其防禁之詳如此非若今時只納錢于官
 得剃頭受戒其防禁之詳如此非若今時只納錢于官
 便可出家也念經讀經之詳如此非若今時只納錢于官
 異疑為背誦與對本云夏判三代史夏四月辛巳宰臣
 徵科條格其令錄在任徵科依限了絕攝任者一年加階兩
 與試銜三年皆及限了絕與服色攝任者一年加階兩
 及攝二年三年皆及限了絕與真命其主簿同縣令條本
 判官一年加階二年改試銜三年轉官本曹官省限內
 了絕與試銜諸節級三年內並了絕施行從之癸卯御史
 其責罰依天成四年五月五日勅施行從之癸卯御史

中丞盧損等進清泰元年以前十一年制勅堪悠久施
行者三百九十四道編為三十卷其不中選者各令所
司封閉不得行用詔其新編勅如可施行付御史臺頒
行以下宰相盧文紀兼太微宮使宏文館大學士姚顛加
門下侍郎監修國史張延朗兼兵部尚書平章事乙酉以前
使韓昭允為中書侍郎兼兵部尚書平章事乙酉以前
武勝軍節度使張萬進為鄜州節度使辛卯以宣徽南
院使劉延皓為刑部尚書充樞密使以司天監耿瑗為
太府卿以偽蜀右衛上將軍胡杲通為司天監以宣徽
北院使房嵩為左衛上將軍充宣徽南院使以樞密副
使劉延朗為左領軍上將軍五月辛卯宣徽南院使劉
充宣徽北院使兼樞密副使五月辛卯宣徽南院使劉
延皓為樞密使契丹寇邊奏契丹寇境乙巳詔天下見
禁囚徒自五月十二日以前除十惡五逆放火燒舍持
仗殺人官典犯贓偽行印信合造毒藥并見欠省錢外
罪無輕重一切釋放庚戌中書奏准勅凡廟諱但迴避正
刺作組織之物庚戌中書奏准勅凡廟諱但迴避正文
其偏旁文字不在減少點畫今定州節度使楊檀檀州
金壇等名酌情制宜並請改之其表章文案偏旁字闕

點畫凡臣寮名涉偏旁亦請改名詔曰偏旁文字音韻
懸殊止避正呼不宜全改楊檀檀州節度使楊檀檀州
以戶部侍郎楊凝式為秘書監以尚書禮部侍郎盧道
為尚書右丞以尚書右丞鄭韜光為尚書禮部侍郎盧道
端明殿學士李專美為兵部侍郎以端明殿學士李崧
為戶部侍郎以翰林學士馬裔孫為禮部侍郎以禮部
郎中充樞密院直學士呂琦為給事中並充職如故太
子少保致仕任園贈尚書右僕射以順化軍節度使兼
彰聖都指揮使北面行營排陣使安審琦為邢州節度
使庚申以兵部尚書李麟為太常卿以禮部尚書王權
為戶部尚書以太常卿李懌為太常卿以禮部尚書王權
諸衛判官給事中張允為右散騎常侍五代會要清
泰二年正月廟中書門下奏御名散騎常侍與諸王相連按
太宗元宗廟故事人臣諸王合避相連字改從單名從
之六月癸未羣臣獻添都馬原注都者軍伍之名五
言契丹入寇乙丑有司上言宣憲皇太后陵請以順陵
為名從之振武奏契丹二萬騎在黑榆林丁卯以太子
少保致仕朱漢賓卒廢朝壬申命史官修撰明宗實錄
契丹寇應州以新州節度使楊漢賓為同州節度使以

前晉州節度使翟璋為新州節度使庚辰北面招討使
 趙德鈞奏行營馬步軍都虞候定州節度使楊光遠行
 營排陣使邢州節度使安審琦帥本軍至易州見進軍
 追襲契丹次河東節度使石敬瑭奏邊軍乏芻糧其安
 重榮巡邊兵士欲移振武就糧從之尋又奏懷孟租稅
 請指揮于忻代州輸納朝廷以邊儲不給詔河東戶民
 積粟處量事抄借仍于鎮州支絹五萬匹送河東充博
 采之直是月北面轉運使劉福配鎮州百姓車子一
 千五百乘運糧至代州時水旱民飢河北諸州困于飛
 輓逃潰者甚眾軍前使者繼至督促糧道由是生靈咨
 怨辛巳詔諸州府署醫博士丙戌以前許州節度使李
 從昶為右龍武統軍以前彰國軍節度使沙彥珣為右
 神武統軍五代會要清泰二年六月封幽州節度使
 使趙德鈞為北平王青州節度使房知温為東平王秋
 七月丁酉回鶻可汗王仁美使其都督陳福海來劉延
 皓罷五代史秋七月丙申石敬瑭奏斬挾馬都指揮使
 李暉等三十六人以謀亂故也時敬瑭以兵屯忻
 州一日軍士喧譟遽呼萬歲乃斬暉等以止之御史中
 丞盧損奏準天成二年七月勅每月首十五日入閣罷

五日起居臣以為中甸排仗有勞聖躬請只以月首入
 閣五日起居依舊又準天成三年五月長興二年七月
 勅許諸州節度使帶使相歲薦寮屬五人餘薦三人防
 禦團練使薦二人今乞行釐革又長興二年八月勅州
 縣佐官差充馬步判官仍同一任乞行止絕依舊衙前
 選補詔曰今後藩臣帶使相許薦三人餘薦二人直屬
 京防禦團練使薦一人餘並從之丁酉迴紇可汗仁美
 遣使貢方物西京弓弩指揮使任漢權奏六月二十一
 日與川軍戰于金州之漢陰王師不利其部下兵士除
 傷痍外已至鳳翔先是蓋屋鎮將劉贊引軍入川界為
 蜀將金師郁所敗金州都監崔處訥重傷諸州屯兵潰
 散金州防禦使馬全節收合州兵固守獲全以樞密使
 劉延皓為天雄軍節度使甲辰以右神武統軍沙彥珣
 權知雲州乙巳以徐州節度使張敬達充北面行營副
 總管時契丹入邊石敬瑭屢請益兵朝廷軍士多在北
 鄙俄聞忻州諸軍呼譟帝不悅乃命敬達為北軍之副
 以滅敬瑭之權也丁巳宰臣盧文紀上疏其畧曰臣近
 蒙召對面奉天旨凡軍國庶事利害可否卿等合盡言
 者臣等謬處台衡奉行制勅但緣事理互有區分軍戎
 不在職司錢穀非關于局分苟陳異見即類侵官況

才不濟時識非經遠因五日起居之例於兩班旅見之
時畧獲對敷兼承顧問衛士周環于階陛庶臣羅列于
殿庭四面聚觀十手所指臣等苟欲各伸愚短此時安
敢敷陳韓非昔懼于說難孟子亦憂于言責臣竊奉本
朝政事肅宗初平寇難再復寰瀛頗經涉于艱難尤勤
勞于委任每正衙奏事則泛咨訪于羣臣及便殿詢謀
則獨對敷于四輔自上元年後于長安東內置延英殿
宰臣如有議奏聖旨或有特宣皆于前一日上聞對御
之時祇奉冕旒旁無侍衛獻可替否得曲盡于討論捨
短從長故無虞于漏洩君臣之際情理坦然伏望聖慈
俯循故事或有事關軍國謀繫否臧未果決于聖懷要
詢訪于臣輩則請依延英故事須面敷敷臣等亦依故事
所聽聞切關利害難形文字須面敷敷臣等亦依故事
前一日請開延英當君臣奏議之時祇請機要臣寮侍
立左右兼乞稍霽威嚴恕臣荒拙雖乏鷹鷂之効庶盡
葵霍之心詔曰卿等濟代英才鎮時碩德或締構于與
王之日或經綸于纘聖之時鹽梅之任俱崇藥石之言
並切請復延英之制以伸議政之規而況列聖遺芳皇
朝盛事載詳徵引良切歎嘉恭惟五日起居先皇垂範
俟百寮之俱退召四輔以獨昇接以溫顏詢其理道計

此時作事之意亦昔日延英之流朕叨獲嗣承切思遵
守將成其美不爽兼行其五日起居仍舊等常公
事亦可便舉奏聞或事屬機宜理當秘密量事緊慢不
限隔日及當時便可于閣門候具榜子奏聞請而敷
敷即當盡屏侍臣端居便殿佇聞高議以慰虛懷朕或
要見卿時亦令當時宣召但能務致理之實何必拘延
英之名有事足可以討論有君足可以陳述宜以沃心
為務勿以逆耳為虞勉罄謀猷以裨寡昧帝性仁恕聽
納不倦嘗因朝會謂盧文紀等曰朕在藩時人說唐代
為不主端拱而天下治蓋以外侍將校內倚謀臣故端
拱而自辦朕荷先朝鴻業卿等先朝舊臣每一相見除
承奉外畧無社稷大計一言相救坐視朕之寡昧其如
宗社何文紀等引咎致謝因奏延英故事有是詔入
月庚午滑州節度使高允韜卒壬申以右衛上將軍王
景戡為左衛上將軍以右神武統軍婁繼英為右衛上
將軍已卯以西上閣門使行少府少監兼通事舍人蘇
繼顏為司農卿職如故辛巳以權知雲州右神武統軍
沙彥珣為雲州節度使鄴都殺人以賊陳延嗣并母妹妻
等並棄市延嗣父子相承與其妹妻于諸州郡誘人殺
之而奪其財前後被殺者數百人至是事泄而誅之癸

未以前潞州行軍司馬陳元為將作監以元善醫故有
是命丁亥以洛州團練使李彥舜為義武軍節度使檢
校太傅太原奏達鞞部族于靈邱安置己丑以太子少
保致仕戴思遠卒廢朝庚寅以前兗州節度使楊漢章
為左神武統軍潞州奏前雲州節度使安重霸卒
神武統軍潞州奏前雲州節度使安重霸卒

西刑部尚書房昂為樞密使乙卯渤海遣使者來 史九

月己亥以河陽節度使侍衛馬軍都指揮使安從進為

襄州節度使以襄州節度使趙在禮為宋州節度使癸

卯以忠正軍節度使侍衛步軍都指揮使宋審虔為河

陽節度使典軍如故己酉禮部貢院奏進士請夜試童

子依舊表薦重置明算道舉人落第後別取文解五

科試紙不用中書印用本司印並從之以宣徽南院使

房昂為刑部尚書充樞密使以宣徽北院使充樞密副

使劉延朗為宣徽南院使充樞密副使丙辰以左僕射

李愚卒廢朝冬十月丁卯幸崇道宮甘泉亭己巳以左

衛上將軍李頊為左領軍上將軍北行營總管石敬

瑋奏自代州歸鎮庚午以晉州節度使張溫卒廢朝甲

戌幸趙延壽趙延朗第丁丑以端明殿學士兵部侍郎

李專美為秘書監充宣徽北院使庚寅以左諫議大夫

唐納為左散騎常侍十一月庚子以左驍衛上將軍郝

瓊為左金吾上將軍以光祿卿王玫為太子賓客以徐

州節度使張敬達為晉州節度使依前充大同振武威

塞彰國等軍兵馬副總管丁未以秘書少監丁濟為太

子詹事乙卯以前金州防禦使馬全節為滄州雷後渤

海國遣使朝貢十二月戊辰禁用鉛錢壬申以中書侍

五代會要清泰二年九月禮部貢院奏奉長興二年二月
月勅進士引試早入晚出今請依舊例進士試雜文并
點門入省經宿就試從之又清泰二年九月禮部貢
院奏奉長興元年勅進士五經九經明經五科童子外
諸色科目並停緣由有明算道舉人今欲施行又奉長
興三年正月勅每落第舉人免取文解今後欲依元勅
格請並再取解十月十五日到省畢違限不收又奉天
成四年勅諸色舉人入試前五日納試紙用中書印
訖付貢院司緣五科所試場數極多旋印紙鑰宿內中
書往來不便請紙用當司印從之三禮原關開元禮原
關明經原
關童子

三年春正月乙未百濟遣使者來丁未封子重美為雍

王五代史清泰三年正月辛卯朔帝御文明殿受朝賀
仗衛如式乙未百濟遣使獻方物戊戌幸龍門佛寺

祈雪癸卯以給事中充樞密院直學士呂琦為端明殿
學士以六軍諸衛判官尚書工部郎中薛文遇為樞密

院直學士乙巳以上元夜京城張燈帝微行置酒于趙
延壽之第丁未皇子河南尹判六軍諸衛事重美封雍

王已未以前司農卿王彥鎔為太僕卿三月戊辰吐渾
寧朔兩府畱後李可久加檢校司徒可久本姓白氏前

朝賜姓庚午監修國史姚顛史官張昭遠李祥吳承範
等修撰明宗實錄三十卷上之以大理卿竇維為光祿

卿以前許州節度使判官張登為大理卿丁丑以太常
卿李麟為兵部尚書以兵部尚書梁文矩為太常卿庚

辰以前鄜州節度使皇甫立為潞州節度使辛巳以前
均州刺史仇暉為左威衛上將軍保順軍節度使鮑君

福加檢校太尉同平章事丁亥以昭義節度使安元信
卒廢朝三日五代會要清泰三年二月門下侍郎平

章事監修國史姚顛上明宗實錄三十卷同修撰官張
昭遠李祥直館左拾遺吳承範右拾遺楊昭儉等各頒

賚有三月丙午翰林學士禮部侍郎馬允孫為中書侍

郎同中書門下平章事五代史纂誤今按允孫傳云廢

事久之拜中書侍郎同中書門下平章事也河東節度使石

敬瑭反五代史三月庚子中書門下奏準閣門分晰內

外官辭見謝規例諸州判官軍將進奉到闕舊

例門見門辭今後只令朝見依舊門辭新除諸道判官
書記以下無例中謝並啟謝放辭得替到京無例見今
後兩使判官五品武中謝赴任即門辭其書記以下
例朝臣依天成四年正月勅凡升朝官並許中謝諸道
謝今請依天成四年正月勅凡升朝官並許中謝諸道
都押衙馬步都指揮虞侯鎮將諸色場院無例謝辭並
進勝子放謝放辭得替到關無例入見在京鹽麩稅官
兩官巡即許中謝新除令錄並中謝次日門辭兼有口
勅誠勵文武兩班所奏弔祭使及告廟祠祭只正衙辭
不赴內殿諸道進奏官到關見得假進勝子門辭從之
辛丑權知福建節度使王昶奏節度使王延鈞以去年
十月十四日卒是時延鈞父子雖僭竊于閩嶺猶稱藩
于朝廷故有是奏甲辰以右神武統軍楊漢章為彰武
軍節度使丙午以翰林學士禮部侍郎馬裔孫為中書
侍郎同平章事丁巳以端明殿學士呂琦為御史中丞
戊午御史中丞盧損責授右贊善大夫知雜侍御史韋
稅責授太僕寺丞侍御史魏遜責授太府寺主簿侍御
史王岳責授司農寺主簿初延州保安鎮將白文審聞
兵興岐下專殺郡人趙思謙等十餘人已伏其罪復下
臺追繫推鞠未竟會去年五月十二日德音除十惡五

五代史卷之七 唐本紀

逆放火殺人外並放盧損輕易即破械釋文審帝大怒
收文審誅之臺司稱奉德音釋放不得追領祇證中書
詰云德音言不在追窮枝蔓無不得追領祇證六字擅
改勅語大理斷以失出罪人論故有是命是月有蛇鼠
鬪于師子門外夏五代史夏四月巳未朔以左衛上將
鼠生而蛇死軍王景戡為左神武統軍以右領軍
上將軍李頊為華清宮使戊辰以太子詹事盧演為工
部尚書致仕辛未以中書舍人史館修撰張昭遠為禮
部侍郎以前滄州節度使李金全為右
領軍上將軍是月有熊入京城搏人五月乙卯建雄
軍節度使張敬達為太原四面都招討使五代史纂誤
紀云天福元年即清泰三年也五月鎮天平敬瑄果不
受命今此乃書敬瑄反于三月馬裔孫為平章事之下
然後書五月乙卯命張敬達義武軍節度使楊光遠為
討之此二紀不同必有誤者
副戊申先鋒指揮使安審信叛降于石敬瑄五代史安
光審琦之從父兄也父金祐世為沙陀部偏裨名聞邊
塞審信習騎射從父金全天成初為振武節度使補為

五代史卷之七

唐本紀

三十一

牙將俄而兄審通為滄州節度使用為牙內都虞候歷
 同陝許三州馬步軍都指揮使晉祖起義于太原唐末
 帝命張敬達以兵攻之而審信率先以部下兵遁入并
 州晉祖以其故人得之甚悅其妻與二子在京師皆為
 唐末帝所戮但貸其老母而已契丹既降晉安若晉高
 祖以審信為汾州刺史檢校太保充馬步軍副部署晉
 高祖入洛授河中節度使檢校太保同平章事審信性
 既翻覆率多疑忌在蒲中時每王人告諭騎從稍多必
 潛設備以防其圖己等歷許兗州鎮所至以聚斂為務
 民甚苦之會朝廷謀大舉北伐凡藩侯皆預將帥以審
 信為馬步軍左右廂都排陣使俄改華州節度使漢初移
 鎮同州入為左衛上將軍國初轉右金吾上將軍三年
 夏四月太祖御乾元殿入閣審信不赴班位為御史所
 彈詔釋之時審信久病神情恍惚聞臺司奏劾揚言曰
 趨朝遇晚未是過何用彈舉我終進奉二萬緡盡逐
 此乞索兒輩未幾以病請退授太子太師致仕是歲秋
 卒年六十贈侍中謚曰成穆五
 已酉振武戍將安重
 代會要成穆贈侍中安審信謚
 榮叛降于敬瑭壬子天雄軍屯駐捧聖都虞候張令昭

逐其節度使劉延皓五代史五月辛卯以河東節度使

馬步總管檢校太師兼中書令駙馬都尉石敬瑭為鄆
 州節度使進封趙國公以河陽節度使充侍衛馬步軍
 都指揮使宋審虔為河東節度使甲午以前晉州節度
 使大同彰國振武威塞等軍蕃漢副總管張敬達充西
 北面蕃漢馬步都部署落副總管乙未詔諸州兩使判
 官畿赤令有關取省郎遺補丞博少列宮寮選擇擢任
 以忠正軍節度使侍衛步軍都指揮使張彥琪為河陽
 節度使充侍衛馬步軍都指揮使以彰聖都指揮使饒
 刺史符彥饒為忠正軍都指揮使充侍衛步軍都指揮
 使丙申以雍王重美與汴州節度使范延光結婚詔充
 王從溫主之丁酉以國子祭酒馬縞卒廢朝戊戌詔義
 奏河東節度使石敬瑭叛以鴻臚寺卿兼通事舍人判
 四方館王景崇為衛尉卿充引進使壬寅削奪石敬瑭
 官爵便令張敬達進軍征討乙卯以晉州節度使張敬
 達為太原四面兵馬都部署尋改為招討使以河陽節
 度使侍衛馬步軍都指揮使張彥琪為太原四面馬步
 都指揮使以陝州節度使相里金為太原四面步軍都
 都指揮使以邢州節度使安審琦為太原四面馬步軍

揮使以右監門上將軍武延翰為榷寨使丙辰以定州
節度使楊光遠為太原四面副招討使都虞候如故以前彰武
侯等改為太原四面副招討使都虞候如故以前彰武
軍節度使高行周為太原四面招撫兼排陣使初帝疑
河東有異志與近臣語及其事帝曰石郎與朕近親在
不疑之地流言毀譽朕心自明萬一失歡如何和解左
右皆不對翼日欲移石敬瑭于鄆州房嵩等堅言不可
司天監趙延義亦言星辰失度尤宜安靜由是稍緩其
事會薛文遇獨宿于禁中帝名之諭以太原之事文遇
奏曰臣聞作舍于道三年不成國家利害斷自宸旨以
臣料之石敬瑭除亦叛不除亦叛不如先事圖之帝喜
曰聞卿此言豁吾憤氣先是有人言國家明年合得一
賢佐主謀平定天下帝意亦疑賢佐者屬在文遇即令
手書除日子夜下學士草制翼日宣制之際兩班失色
居六七日敬瑭上章云明宗社稷陛下纂承未契輿情
宜推令辟許王先朝血緒養德皇闡儻循當璧之言免
負闕墻之議帝覽奏不悅手攘抵地名馬裔孫草詔報
曰父有社稷傳之于子君有禍難倚之于親卿于鄂王
故非疎遠往歲衛州之事天下皆知今朝許王之言人
誰肯信英賢立事安肯如斯云戊申張敬達奏西北面

先鋒都指揮使安審信率雄義左第二指揮二百二十
七騎并部下共五百騎剽劫百井叛入太原又奏大軍
已至太原城下詔安審信及雄義兵士妻男並處斬家
產沒官先是雄義都在伏州屯戍其指揮使安元信謀
殺伏州刺史張朗事洩戍兵自潰奔安審信軍審信與
之入太原太常奏于河南府東權立宣憲太后寢宮從
驅掠戍兵五百騎叛入太原以新授河東節度使宋審
虔為宣州節度使充侍衛馬軍都指揮使王子鄴都屯
駐捧聖都虞候張令昭逐節度使劉延皓據城叛翼日
令昭召副使邊仁嗣己下逼令奏請節旄歐陽脩為
君難論近五代時後唐清泰帝患晉祖之鎮太原也地
近契丹恃兵跋扈議欲徙之于鄆州舉朝之士皆諫以
為未可帝意必欲徙之夜召嘗所與謀樞密直學士薛
文遇問之以決可否文遇對曰臣聞作舍道邊三年不
成此事斷在陛下何必更問羣臣帝大喜曰術者言我
今年當得一賢佐助我中興卿其是乎即時命學士草
制徙晉祖于鄆州明旦宣麻在廷之臣皆失色而晉祖
反書至清泰帝憂懼不知所為謂李崧曰我適見薛文
遇為之肉顫欲自抽刀刺之崧對曰事已至此悔無及

矣但君臣相顧涕泣而已六月癸亥以令昭為右千牛衛將軍權知

天雄軍府事原注佗命官不書以此甲戌宣武軍節度

使范延光為天雄軍四面招討使五代史六月辛酉天

軍都虞候張令昭為檢校司空行右千牛將軍權知天

皇太后寶冊于寢宮時陵園在河東適會兵興故權于

京城修奉寢宮上諡焉已巳以西上閣門副使少府監

兼通事舍人劉頊為鴻臚卿職如故庚午詔曰時雨稍

愆頗傷農稼分命朝臣祈禱辛未工部尚書致仕許寂

卒以權知魏府事右千牛將軍張令昭為齊州防禦使

以捧聖右第三指揮使邢立為德州刺史以汴州節度使范延

光為天雄軍四面招討使知府事丙子以東京雷守

李周為天雄軍四面副招討使兼兵馬都監詔河東將

佐節度判官趙瑩以下秋七月戊申克魏州壬子張令

昭伏誅癸丑彰聖指揮使張萬迪叛降于石敬瑭五代

七月戊子范延光奏領軍至鄴都攻城次己丑誅右衛

上將軍石重英皇城副使石重裔皆敬瑭之子也時重

英等匿于民家井中獲而誅之并族所匿之家奚首領

達喇罕遣通事介老奏奚王李素姑謀叛入契丹已處

斬訖達喇罕權知本部落事辛卯沂州奏誅都指揮使

石敬瑭并族其家敬瑭之弟也乙未以前彰武軍節度

使高行周為潞州節度使充太原四面招撫排陣使以

潞州節度使皇甫立為華州節度使丁酉雲州節度使

沙彥珣奏此月二日夜步軍指揮使桑遷作亂以兵圍

五代史記卷第一

唐本紀

三十四

范延光誅張令昭部下五指揮及忠銳忠肅兩指揮繼
 范延光奏追兵遣襲張令昭部下敗兵至邢州沙河斬
 首三百級并獻張令昭邢立李貴等首級又奏獲張令
 昭同惡捧聖指揮使米全以下諸指揮使都頭凡十三
 人并磔于府門癸丑左衛上將軍仇暉卒洛州奏擒獲
 魏府作亂捧聖指揮使馬彥柔以下五十八人邢磁州
 相次擒獲亂兵並送京師彰聖指揮使張萬迪以八月
 部下五百騎叛入太原詔誅家屬于懷州本營以八月
 戊午契丹使梅里來入五代史八月戊午契丹遣使摩哩
 為天雄軍節度使守太傅兼中書令以京西京雷守李周
 為汴州節度使檢校太尉同平章事癸亥應州奏契丹
 三千騎迫城詔端明殿學士呂琦往河東忻代諸屯戍
 所犒軍以左龍武大將軍袁義為右監門上將軍以振
 武軍節度使安叔千充代北兵馬都部署已巳雲州沙
 彥珣奏供奉官李讓勳送夏衣到州縱酒凌轢軍都行
 劫殺兵馬都監張思慤都指揮使到州縱酒凌轢軍都行
 處斬訖張敬達奏造五龍橋攻太原城次戊寅以鎮州
 節度使董温琪充東北面副招討使己卯洛州獻野繭
 二十勛辛巳張敬達奏賊城內出騎軍三十隊步卒三

千人衝長連城高行周襲殺入壕溺死者大半九月甲
 擒賊將安小喜以下百餘人甲馬一百八十匹

長張敬達及契丹戰于太原敗績契丹圍敬達于晉安

五代史九月甲辰張敬達奏此月十五日與契丹戰于
 太原城下王師敗績時契丹主自率部族來援太原高
 行周符彥卿率左右廂騎軍出鬪蕃軍引退已時後蕃
 軍復成列張敬達楊光遠安審琦等陣于賊城西北倚
 山橫陣諸將奮擊蕃軍屢却至晡我騎軍將移陣蕃軍
 如山而進王師大敗投兵仗相籍而死者山積是夕收
 合餘眾保于晉祠南晉安寨蕃軍壅而圍之自是音聞
 阻絕朝廷大恐是日遣侍衛步軍都指揮使符彥饒率
 兵屯河陽詔范延光率兵由青山路趨榆次詔幽州趙
 德鈞由飛狐路出敵軍後輝州防禦使潘環合防戍軍
 出磁隰以援張敬達以前絳州刺史韓彥輝為太子賓
 客契丹王移帳于柳林乙巳詔取二十三日幸北面軍
 前戊申如河陽行謁奠夕次河陽召羣臣議進取盧文
 紀勸帝駐河橋庚戌樞密使趙延壽先赴潞州辛亥幸
 懷州召吏部侍郎龍敏訪以機事敏勸帝立東丹王贊

華為契丹主以兵援送入蕃則契丹主有後顧之患不能久駐漢地矣帝深以為然竟不行其謀帝自是酣飲悲歌形神慘沮臣下勸其親征則曰卿輩勿說石郎使我心膽墜地其怯憊也如此五代會要後唐末帝清泰三年九月車駕將北幸太常博士段駟奏河陽路當徽陵今車駕經由合親朝謁於是至陵所朝拜

十月壬戌括馬 五代會要清泰三年十月勅諸道府已上各雷馬一匹乘騎及鄉村士庶有馬者無問形勢送納其小弱患病者印退字本道收管節度防禦團練等使刺史除自己馬外不得因便影占管軍都將除出軍及隨駕外見逐處屯駐者都指揮使舊有馬請雷五匹小指揮使兩匹都頭一匹其餘凡五匹取兩匹十匹取五匹更多有者並依此例抽取在京文武百官主軍將校內諸司使以下隨駕職員舊有馬者任令隨意進納不得影占人私籍民為兵 五代史冬十月丁巳夜彗馬各下諸道准此籍民為兵 星出虛危長丈餘壬戌詔天下括馬又詔民十戶出兵一人器甲自備戊辰代州刺史張朗超授檢校太保以其屢殺敵眾故以是命獎

之癸酉幽州趙德鈞以本軍三千騎與鎮州董溫琪由吳兒谷趨潞州 契丹國志唐發民為兵每七戶出征夫一人自備鎧仗謂之義軍凡得馬 十一月戊子盧龍二千餘匹征夫五千人民間大擾

軍節度使趙德鈞為行營都統丁酉契丹立晉 五代史

戊子以趙德鈞為諸道行營都統以趙延壽為河東道南面行營招討使以劉延朗副之庚寅以范延光為河東道東道東南面行營招討使以李周副之帝以呂琦嘗佐幽州幕乃命齋都統官告以賜德鈞兼犒軍士琦至從容宣帝委任之意德鈞曰既以兵相委焉敢惜死德鈞志在併范延光軍奏請與延光會合帝以詔諭延光延光不從丁酉延州上言節度使楊漢章為部眾所殺以前坊州刺史劉景嚴為延州留後庚子趙德鈞奏大軍至團栢谷前鋒殺蕃軍五百騎范延光奏軍至榆次蕃軍退入河東川界潘環奏隰州逐蕃軍壬寅趙德鈞奏軍出谷口蕃軍漸退契丹主見德鈞父子堅要鎮州苟能逐退蕃戎要代子位亦甘心矣若不悅 閏月甲子楊光寇要君但恐犬兔俱斃德鈞聞之不悅

遠殺張敬達以其軍叛降于契丹原注敬達不書死之

宜以義責光遠而誅之雖不果而見殺猶為甲戌契丹

及晉人至于潞州丁丑至自河陽辛巳皇帝崩原注年

帝自焚死晉高祖命葬其燼骨于徽陵域中五代史

閏月丙辰日南至羣臣稱賀于行宮帝曰晉安寨內將

士應思家國矣因泣下久之丁巳以岢嵐軍為勝州辛

西以右龍武統軍李從祖為左龍武統軍以前邠州節

度使楊思權為右龍武統軍壬戌丹州刺史康承詢停

任配流鄧州時承詢奉詔率義軍赴延州義軍亂承詢

奔鄜州故有是責甲子太原行營副招討使楊光遠殺

招討使張敬達于晉安寨以兵降契丹時契丹圍寨自

十一月以後芻糧乏絕軍士毀居茅屋淘馬糞削松栝

以供秣飼馬尾鬣相食俱盡楊光遠謂敬達曰少時人

馬俱盡不如奮命血戰十得三四猶勝坐受其斃敬達

曰更少待之一日光遠伺敬達無備遂殺之與諸將同

降契丹時馬猶有五千匹契丹主以漢軍與石敬瑭其

帝約為父子之國改元為天福契丹與晉高祖南行趙

德鈞父子與諸將自團栢谷南奔王師為蕃騎所蹙投

帝約為父子之國改元為天福契丹與晉高祖南行趙

德鈞父子與諸將自團栢谷南奔王師為蕃騎所蹙投

戈棄甲口相騰踐擠于巖谷者不可勝紀已巳帝聞晉

安寨為敵所陷詔移幸河陽時議以魏府軍尚全契丹

必憚山東未敢南下車駕可幸鄴城帝以李崧與范延

光相善召入謀之薛文遇不知而繼至帝變色崧躡文

遇足乃出帝曰我見此物肉顛適擬抽刀刺之崧曰文

遇小人致誤大事刺之益醜崧因請帝歸京壬申車駕

至河陽甲戌晉高祖與契丹至潞州契丹遣蕃將大詳

袞率五千騎送晉高祖南行丁丑車駕至自河陽時左

右勸帝固守河陽居數日符彥饒張彥琪至奏帝不可

城守是日晚至東上門小黃門鳴鞞于路索然無聲已

卯帝遣馬軍都指揮使宋審虔率千餘騎至白馬阪言

踏陣地時諸將謂審虔曰何地不堪交戰誰人肯立于

此審虔乃請帝還宮庚辰晉高祖至河陽辛巳辰時帝

舉族與皇太后曹氏自燔于元武樓晉高祖入洛得帝

燼骨于火中來年三月詔葬于徽陵之封中帝在位共

二唐拒命張敬達楊光遠帥師討平之九月契丹救河東張敬達及契

丹戰于城下敬達師敗績退師晉安契丹圍晉安戊申
帝北征次懷州延州軍亂殺楊漢章閏十一月楊光遠
害張敬達以晉安叛降于敬瑄丁丑帝還京師庚辰敬
瑄迫京師辛巳帝崩于元武樓五代史闕文晉高祖
引契丹圍晉安寨降楊光遠清泰帝至自覃懷京師父
老迎帝于上東門外帝垂泣不止父老奏曰臣等伏聞
前唐時中國有難帝王多幸蜀以圖進取陛下何不且
入西川帝曰本朝兩川節度使皆用文臣所以元宗僖
宗避寇幸蜀今孟氏已稱尊矣吾何歸乎因慟哭入內
舉族自焚洛中紀異錄先是甲子至清泰三年丙申
歲云數在五樓前又云但看八九月戎虜亂中原後大
軍於太原南五樓村前大戰至九月晉祖勾契丹至於
城下王師敗績至十一月戎王遣蕃軍送晉祖洛陽即
戎虜亂中原之應也五代會要清泰三年閏十一月
二十九日遇難崩于後樓年五十二晉天福元年十二
月追降為庶人葬徽陵之封中年號一清泰盡三年宰
相六人李愚劉昫盧文紀姚顛韓昭允馬允孫使相二
十二人安元信趙在禮馬希杲盧文進張延朗王建立
馮道范延光李從曠趙德鈞房知禮馬希振姚彥章馬
存韓昭允李周鮑君福高從誨馬希範錢元璪錢元球

錢元璪

嗚呼君臣之際可謂難哉蓋明者慮於未萌而前知暗
者告以將及而不懼故先事而言雖忠而不信事至而
悔其可及乎重誨區區獨見潞王之禍而謀之不臧至
於殞身赤族其隙自茲及愍帝之亡也穴於徽陵其土
一壠路人見者皆為之悲使明宗為有知其有媿於重


誨矣哀哉

五代史史臣曰未帝負神武之才有人君之量由尊戈而踐阼慙德應深及當宁以居尊


政經未失屬天命不祐火謀匪臧坐俟焚如良可悲矣稽夫衽金甲于河壖之際斧眺樓於梁壘之時出沒如神何其勇也及乎駐革輅于覃懷之日絕羽書于汾晉之辰涕淚霑襟何其怯也是知時之來也雕虎可以生風運之去也應龍不免為醢則項籍悲歌于帳下信不虛矣稽古錄臣光曰武皇以沙陀微種奄有河東黃

巢之亂有大功於唐室上源之變訟於朝廷而不能自
 直遂與朱氏治兵相攻糾紛不解流血成川僵尸蔽野
 至其晚節鋒銳益衰窮居一隅僅能自保莊宗自弱齡
 襲位麾下諸將白首行陳與武皇並轡齊驅之人乃能
 以恩信結其心英果折其氣莫不竭力致命頤指如意
 遂服真定從中山取漁陽兼魏博策馬渡河而梁氏失
 國當是之時天下莫不震動諸侯陸梁踞肆者皆聘貽
 相顧莫敢保其土地王衍待其險遠詞禮倨慢偏師西
 指而劍閣不守觀其行兵可謂能矣惜其器小志近驕
 心易生矜功自喜御衆無法便嬖是說婦言是用纜及
 三年隕身亡族悲夫明宗無取國之心而為衆所附資
 性寬厚克終天祿清泰於危難之中坐受神器得之非
 難失之孔易負辰未安家為煨燼十年之中易姓者四
 禍福相尋何其速哉文獻通考後唐廢帝實錄十七
 卷陳氏曰張昭尹拙劉溫叟撰按昭本傳撰梁均王郢
 王後唐愍帝廢帝漢隱帝實錄惟梁二王年祀浸遠事
 皆遺失遂不修餘三帝實錄皆藏史閣周世宗時也蓋
 昭本撰周祖實錄以其歷試之迹多在漢隱帝時故請
 先脩隱錄因併及前代云因學紀聞天子之廢置出
 於士卒自唐明宗始也明宗以此得之而反爾之報在

其後



五代史記卷第七



五代史記卷第八上

廬陵歐陽脩撰

徐無黨原注

南昌彭元瑞注

劉鳳誥排次

晉本紀第八

高祖聖文章武明德孝皇帝其父臬捩雞本出于西夷自朱邪歸唐從朱邪入居陰山其後晉王李克用起于雲朔之間臬捩雞以善騎射常從晉王征伐有功官至

洛州刺史臬捩雞生敬瑭

五代會要晉高祖聖文章武明德孝皇帝姓石氏諱敬瑭

追冊孝元皇帝第二子母追冊懿皇后唐景福元年二月二十八日生于太原汾陽里以其日為天和節五代史纂誤今按出帝紀止云聖文章武孝皇帝二者不同未知孰是齊東野語晉高祖諱敬瑭拆敬字為文

氏苟氏至其姓石氏不知其得姓之始也五代史高祖漢乃復舊其姓石氏諱敬瑭太原人也本衛大夫碣漢丞德孝皇帝後漢衰關輔亂子孫流汎西裔故有居甘州者相奮之後漢宗嘉之隸為河東陰山府神校以邊功累官焉入附憲宗嘉之隸為河東陰山府神校以邊功累官至朔州刺史天福二年追尊為孝安皇帝廟號靖祖陵日義陵祖妣秦氏追謚為孝安皇后三代祖柳早薨贈左散騎常侍追尊為孝簡皇帝廟號肅祖陵日惠陵祖妣安氏追謚孝簡恭皇后皇帝廟號肅祖陵日惠陵贈尚書右僕射追尊孝平獻皇后皇帝廟號睿祖陵日康陵祖妣米氏追謚孝平獻皇后皇帝廟號睿祖陵日康陵騎射有經遠大畧事後唐武皇及莊宗累立戰功與周德威相亞歷平洛二州刺史薨于任贈太傅追尊為孝元皇帝廟號憲祖陵日昌陵皇妣何氏追謚孝元懿皇后帝即孝元之第二子也以唐景福元年二月二十八日生于太原派陽里時敬瑭為人沈厚寡言明宗愛之有白氣充庭人甚異焉

敬瑭為人沈厚寡言明宗愛之妻以女是為永寧公主由是常隸明宗帳下號左射軍

五代史及長性沈澹寡言笑讀兵法重李牧周亞夫行事唐明宗為代州刺史每深心器之因妻以愛女唐莊宗聞其善射擢居左右明宗請隸大軍從之後明宗從莊宗征行命帝領親騎號左射軍倚以心腹莊宗已得魏梁將劉鄩急攻清平莊宗馳救之兵未及陣為鄩所掩敬瑭以十餘騎橫槊馳擊取之以旋莊宗拊其背而壯之手啗以酥啗酥夷狄所重由是名動軍中五代

史天祐十二年莊宗併有河北之地開府于鄴梁遣上將劉鄩以兵五萬營于莘十三年二月鄩引兵突至清平薄于城下莊宗至自甘陵兵未陣多為鄩所掩帝領十餘騎橫槊深入東西馳突無敢當者卒全部伍而旋莊宗壯之拊其背日將門出將言不謬爾因頌以器帛復親為啗酥當時以為異恩由是知名明年鄩兵陣于莘之西北明宗從莊宗酣戰久之塵埃四合帝與明宗俱陷陣內帝挺身躍劍反復轉鬪行數十里逐鄩于故元城之東是日十五年莊宗戰于胡柳前鋒周德威戰鄩軍殺傷過半

死敬瑭以左射軍從明宗復擊敗梁兵明宗戰胡盧套

楊村為梁兵所敗敬瑭常脫明宗于危五代史十五年唐軍拔楊劉鎮

梁將賀瓌設伏于無石山明宗為瓌所迫帝為後殿破

梁軍五百餘騎按轡而還十二月莊宗與梁軍大戰于

胡柳陂眾號十萬總管周德威將左軍雜以燕人前鋒

不利德威死之莊宗率步眾五千固守高陵以避敵之

銳明宗獨完右廣伏于土山之下顧謂帝曰梁人首獲

其利旌旗甚整何計可以挫之帝曰臘後寒如此出手

墮指彼多步眾易進難退莫若啜糲飲水徐而困之且

超乘徒行其勢不一擊而破期在必勝明宗曰是吾

心也會日暮梁軍列于平野五六萬人為一方陣麾游

騎以迫唐軍帝曰敵將遁矣乃請明宗合士整冑寬而

羅之命左射軍三百人鳴矢馳轉漸束其勢以數千騎

合之迨夜旌旗皆靡而一角先潰三面踵之其牙竿相

擊若火爆之聲橫屍積甲不可勝計由是梁人勢削莊

宗進營德勝渡八年十月又從明宗戰梁人于德勝

渡敗其將戴思遠殺二萬餘人十九年戰胡盧套唐軍

稍卻帝睹其敵銳拔劍闢道肩護明宗而退敵人望之

無敢襲者二十年十月從明宗觀梁人之楊村寨部曲

皆不擐甲俄而敵出不意以兵掩明宗及背帝挾

戰戟而進一擊而凶酋落馬者數輩明宗遂解其難是

歲莊宗即位于鄴改元同光追明宗越河懸軍深入以

取鄆鄆人始不之覺帝以五丁騎從明宗涉濟突東門

而入鄆兵來拒帝中又翼明宗羅兵通衢疑然不動會

後騎繼至遂拔中城以據之既而平泚水滅梁室致莊

宗一統集明宗大勳帝與唐本帝功居其最莊宗朝官

未顯者以帝不好矜伐趙在禮之亂明宗討之至魏而

故也唯明宗必知之

兵變明宗初欲自歸于天子明已所以不反者敬瑭獻

計曰豈有軍變于外上將獨無事者乎且猶豫者兵家

大忌不如速行願得騎兵三百先攻泚州夷門天下之

要害也得之可以成事明宗然之與之驍騎三百渡黎

陽為前鋒明宗遂入泚莊宗自洛後至不得入而兵皆

潰去莊宗西還明宗以敬瑭為前鋒趣汜水且收其散
卒莊宗遇弒明宗入立拜敬瑭保義軍節度使賜號竭
忠建策興復功臣兼六軍諸衛副使在陝為政以廉聞
五代史同光四年二月趙在禮據鄴為亂朝廷遣元行
欽招之不羣議紛然以為非明宗不可莊宗乃以明
宗為統帥時帝從行至魏諸軍有變叩馬請明宗帝河
北明宗受霍彥威勸將自訴于天子遂佯諾諸軍亦恐
事不果而散者甚眾明宗所全者唯常山一軍而已西
次魏縣帝密言于明宗曰猶豫者兵家大忌必若求訴
宜決其行某願率三百騎先趨汜水以探虎口如遂其
志請大軍速進夷門者天下之要害也據之可以自雪
安有上將與三軍言變他日有平手乎危在頃刻不宜
恬然明宗至相州遂分驍騎三百付之遣帝由黎陽濟
河自汴西門而入因據其城及明宗入汴莊宗親統師
亦至城之西北五里登高歎曰吾不濟矣由此莊宗從
兵大潰來歸明宗明宗尋遣帝令率兵為前鋒趨汜水
關俄而莊宗遇內難而崩是月明宗入洛嘉帝之功自

總管府都校署陝府兵馬留後明宗即位改元天成五
月加帝光祿大夫檢校司徒充陝州保義軍節度使歲
未期而軍民是時諸侯多不奉法鄧州陶玘亳州李鄴
皆以贓污論死五代史李鄴魏州人也幼事楊師厚及
莊宗入魏漸轉裨將歷數郡刺史後遷
亳州為政貪穢有奴為人持金以賂鄴奴隱其金鄴殺
之其家上訴因許其陰事詔貶郴州司戶參軍又貶崖
州長流百姓明宗下詔書褒廉吏普州安崇阮洺州張
所在賜自盡萬進耀州孫岳等以諷天下而以敬瑭為首天成二年

五代史二年二月加檢校太傅兼六軍諸衛副使進封
開國伯增食邑四百戶是月帝赴闕以倅六軍諸衛事
故也八月加食邑八百戶實十月從幸汴州為御營使
封一百戶旌為政之效也

拜宣武軍節度使侍衛親軍馬步軍都指揮使六軍副
使如故改賜耀忠匡定保節功臣五代史十月明宗幸
汴以帝為御營使車

駕次京水飛報汴州節度使朱守殷叛明宗命帝董親
軍倍道星行信宿及浚城一戰而拔之尋以帝為宣武
軍節度使侍衛親軍步軍都指揮使兼六軍諸衛副使
進封開國公加食邑五百戶賜耀忠匡定保節功臣

三年四月徙鎮天雄拜同中書門下平章事與唐尹五

月拜駙馬都尉五代史四月車駕還洛制加檢校太傅

天雄軍節度使五月董瑋反東川為行營都招討使不

克而還復兼六軍諸衛副使徙鎮河陽三城未行而契

丹吐渾突厥皆入寇是時秦王從榮統六軍敬瑭疑其

必及禍不欲為其副乃自請行及制出不落副使輒復

辭行明宗數責大臣問誰可行者范延光趙延壽等卒

以敬瑭為請乃拜河東節度使大同彰國振武威塞等

軍蕃漢馬步軍總管落六軍副使乃行五代史長興元

郊禮畢加檢校太尉增食邑五百戶尋詔歸任時鄴都

繁富為天下之冠而七俗獷悍民多爭訟帝令投函府

門一覽之及踰年盈積几案滯于獄者甚眾時論以

此滅之九月東川董璋叛朝廷命帝為東川行營都招

討使兼知東川行府事十月至魏博董眾西征二年

春以川路險艱糧運不繼詔班師四月復兼六軍諸衛

副使六月改河陽節度使仍兼兵柄是時秦王從榮奏

伏見北面頻奏報契丹族移帳近塞吐渾突厥已侵邊

地戍兵雖多未有統帥宜早命大將一人以安雲朔明

宗曰卿等商量從榮與諸大臣奏曰將校之中惟石敬

瑭康義誠二人可行帝素不欲為禁軍之副即奏曰臣

願此行明宗曰卿為吾行事無不濟及受詔不落六軍

副使帝復遷延辭避十一月乙酉明宗復謂侍臣曰雲

州奏契丹自幽州移帳言就放牧終冬不退其患深矣

樞密使范延光奏曰已議石敬瑭與康義誠北行然其

定奪即在宸旨帝奏曰臣雖不才爭敢避事但進退惟

命明宗曰卿為吾行甚叶眾議由是遂定丁亥加兼侍

中太原尹北京畱守河東節度使兼大同振武彰國威

塞等軍蕃漢馬步軍總管改賜竭忠匡運寧國功臣翼
日宴于中興殿帝捧觴上壽因奏曰臣雖微怯惟邊事
敢不盡其忠力但臣遠違玉階無以時申補報帝因再
拜告辭明宗泣下霑襟左右怪其過傷果與帝因此為
訣不復相見矣 五代會要長興三年十一月明年明
授北京留守兼大同振武威塞彰國馬步總管
宗崩愍帝即位加中書令 五代史長勳若喪考妣應順元
年正月閏帝即位加中書令及增食邑帝性簡儉未嘗
以聲色滋味輒自燕樂每公退必召幕客論民間利害
及刑政得失明而難犯事多親決有店婦與軍士訟云
曝粟于門為馬所食而軍士懇訴無以自明帝謂鞫吏
曰兩訟未分何以為斷可殺馬賜無粟因戮其婦人境內
士誅無則婦人死遂殺馬馬賜無粟因戮其婦人境內
肅然莫敢以 三月徙鎮成德 五代史三月移鎮常山所
欺事言者在 昆弟分索者必繩而殺之勤于吏事廷無滯
間父母在昆弟分索者必繩而殺之勤于吏事廷無滯
訟常山屬邑曰九門有人鬻地與異居兄議價不定乃
移于他人他人須兄立券兄固抑之因訴于令令以弟
兄俱不義送府帝監之曰人之不義由牧長新至教化

所未能及吾甚愧焉若以至理言之兄利良田弟求善
價順之則是沮之則非其兄不義之甚也宜重笞焉市
田以高價者取 清泰元年五月復鎮太原來朝京師潞
之上下服其明

王從珂反于鳳翔愍帝出奔遇敬瑭于道 五代史纂誤
潞王以愍帝應順元年二月庚寅反于鳳翔三月丁巳

以兵東四月壬申入京師其初蓋因是年正月孟漢
瓊自魏請入朝乃議徙成德范光代漢瓊而北京留
守北原也石敬瑭代延光鳳翔潞王從珂代敬瑭三人
者皆唐大臣以漢瓊故輕易其地又不降制書第遣使
者監其上道從珂由此遂反以上見朱宏昭傳然則從
珂正與敬瑭同時易地從珂既以二月反何緣敬瑭卻
以三月徙鎮成德乎此其誤一也且潞王既以三月丁

已東來而愍帝以是月戊辰出如衛州潞王以四月壬
申入京師乙亥即皇帝位愍帝以戊寅遇弒矣安得以
五月復鎮太原來朝京師與愍帝相遇于道之事乎其
事皆顛倒交互此其誤二也此徙鎮成德事當具于正
月其次書三月中入朝京師與愍帝相遇事然後書廢
帝即位清泰元年五月復鎮太原如此方得其序按

三月亂移鎮常山及岐陽
清泰元年五月詔復授太

衛州而去廢帝即位疑敬瑭必反五代史及岐陽兵亂

急詔帝赴闕欲以社稷為託閔帝自洛陽出奔于衛相

遇于途遂與閔帝迴入衛州閔帝左右將不利于帝

帝覺之因擒其從騎百餘人閔帝知事不濟與帝長慟

而別帝遣刺史王宏贊安置閔帝于公舍而去尋為潞

王所害帝後長以此愧心焉清泰元年五月復授太原

節度使北京留守充大振武彰國威塞等軍蕃漢馬

步總管二年夏帝屯軍于忻州朝廷遣使送夏衣傳詔

撫諭後軍人遠呼萬歲者數四帝懼斬挾馬將李暉以

下三十餘人以徇乃止契丹國志契丹屢攻北邊時

石敬瑭將大兵屯忻州潞王遣使賜軍士夏衣傳詔撫

諭軍士呼萬歲者數四敬瑭懼幕僚段希堯請誅其倡

者敬瑭命劉知遠斬三十六人以徇潞王聞益疑之

五代史補高祖尚明宗女宮中謂之石郎及將起兵于

太原京師夜聞狼皆羣走往往入宮中廢帝患之命諸

班能射者分頭捕逐謂之射狼或遇諸塗問曰汝何從

而來對曰看射狼未幾高祖至蓋射亦石也通鑑時

敬瑭一子為內使賂太后左右令伺唐主之密謀敬瑭

對客常稱羸瘠不堪為帥冀朝廷不之忌契丹入邊敬

瑭將大軍屯忻州朝廷遣使賜軍士夏衣傳詔撫諭軍

士呼萬歲者數四敬瑭懼幕僚段希堯請誅其倡者敬

瑭命都押衙劉知遠斬三十六人以徇唐主聞之益疑

敬瑭果不受命

五代史纂誤今案劉延朗傳云帝既入

歸鎮且難言之乃陽為羸疾矣灼滿身冀帝憐而遣之

延朗等多言敬瑭可留京師韓昭允李專美曰敬瑭與

趙延壽皆尚唐公主不可獨留復授高祖河東而遣之

是時契丹數寇北邊以高祖為大同振武威塞彰國等

軍蕃漢馬步軍都總管屯于忻州而屯兵忽變擁高祖

呼萬歲高祖懼斬三十餘人而後止于是帝益疑之罷

高祖總管徙鎮鄆州又張敬達傳云清泰二年契丹數

犯邊廢帝以河東節度使石敬瑭兼大同彰國振武威

塞等軍蕃漢馬步軍總管屯于忻州明年夏徙敬瑭鎮

是年五月復得鎮太原至清泰二年以契丹數寇邊始兼大同振武等都總管既而有軍變之事至清泰三年五月徙鎮天平遂不受命其事之次序當如此而紀傳中皆參錯互見不能明了故次第之謂其屬

曰先帝授吾太原使老焉今無故而遷是疑吾反也且

太原地險而粟多吾當內檄諸鎮外求援于契丹可乎

桑維翰劉知遠等共以為然乃上表論廢帝不當立請

立許王從益為明宗嗣廢帝下詔削奪敬瑭官爵命張

敬達等討之敬瑭求援于契丹五代史三年五月移授鄆州節度使進封趙國

公仍改扶天啟運中正功臣尋降詔促帝赴任帝心疑

之乃召僚佐議曰孤再受太原之日主上面宣云與卿

北門一生無議除改今忽降此命莫是以去年忻州亂

兵見迫過相猜乎又今年于春節公主入觀當辭時謂

公主曰爾歸心甚急欲與石郎反耶此疑我之狀固且

明矣今天子用后族委邪臣沈湎荒惑萬幾停壅失刑

失賞不亡何待吾自應順中少主出奔之日觀人情大

去不能扶危持顛憤憤于方寸者三年矣今我無異志

朝廷自啟禍機不可安然死于道路況太原險固之地

積粟甚多若且寬我我當奉之必若加兵我則外告鄰

方北構強敵興亡之數皎皎在天今欲發表稱疾以俟

其意諸公以為何如掌書記桑維翰都押衙劉知遠贊

成密計遂拒末帝之命朝廷以帝不奉詔降旨削奪官

爵即詔晉州刺史北面副招討使張敬達領兵圍帝于

晉陽帝尋命桑維翰詣諸道求援契丹遣人復書諾之

國將立天王要爾為助爾須去未浹旬石敬瑭反于河
東為後唐張敬達所敗遣趙瑩持表重賂許割燕雲求
兵為援契丹主曰我非為石郎興師乃奉天帝敕使也
為晉五代史安元信朔州馬邑人也少善騎射後唐莊宗
宗征討有功明宗即位擢為捧聖軍使加檢校兵部尚
書清泰三年遷雄義都指揮使受詔屯于代州太守張
朗遇之甚厚元信亦以兄事之是歲五月高祖建義于
太原俄聞契丹有約赴難元信入說朗曰張敬達雖圍
太原而兵尚未合代郡當雁門之衝敵至其何以禦僕
觀石令公素長者舉必成事若使人道意歸款俟其兩
端亦求全之上策也朗不納元信悔以誠言之反相猜
忌尋聞安重榮安審信相次以騎兵赴太原元信遂率
部曲以歸高祖高祖見之喜謂元信曰爾觀何利害背
強歸弱元信曰某非知星識氣惟以信人事斷之夫帝王
者出語行令示人以信嘗聞主上許令公河東一生今
遽改之是自欺也且令公國之密親尚不能保肯保
天下之心乎以斯而言見其亡也何得為強也高祖知
其誠因開懷納之委以戎事高祖即位之元年授耀州
團練使加檢校太保四年入為右神武統軍其年八月

復出牧洛州少帝嗣位尋遷宿州九年罷任來朝開九
運初授復州防禦使三年卒于任年六十三贈太傅九

月契丹耶律德光入自鴈門與唐兵戰敬達大敗敬瑭

夜出北門見耶律德光約為父子五代史九月辛丑契丹主率眾自鴈門而

南旌騎不絕五十里餘先使人報帝云吾欲今日便破
賊可乎帝使人馳告曰皇帝赴難比要成功賊勢至厚
將高行周符彥卿等合戰時張敬達楊光遠列陣西山
下士未及成伍而行周彥卿為伏兵所斷舍軍而退敬
達等步兵大敗死者萬人是夜帝出北門與契丹主相
見契丹主執帝手曰恨會面之晚因論父子之義明日
帝與契丹圍敬達營寨南軍不復出矣帝與契丹本無
結好自末帝見迫之後遣心腹何福以錯刀為信一言
親赴其難迅若流電信天意耶已西唐末帝率親軍步
騎三萬出次河橋辛亥末帝詔樞密使趙延壽分眾二
萬人屯遼州十月幽州節度使趙德鈞領所部萬餘人
自上黨吳兒谷合延壽兵屯團谷口與敬達寨相去百

里彌月竟十一月丁酉皇帝即位契丹注於廢帝本紀書不能相通

於此書皇帝即位以自立為文原其心也晉高祖之反無契丹之助亦必自立蓋其志在於為帝故使自任其惡也

五代會要清泰三年閏十一月二十二日築壇即位於太原府城之南年四十五其月二十六日至洛陽從容謂賓佐云近因畫寢忽夢若頃年在洛京時與天子連鑣于路過舊第天子請某入其第某遜讓者數四不得已即促轡而入至廳事下馬升自階西向而坐天子已馳車去矣其夢如此羣僚莫敢有所答是年冬果有鼎革之事蓋晉祖懷不軌之志久矣故託夢以惑衆

國號晉以幽涿薊檀順瀛莫蔚朔雲應新媯儒武寰也

州入于契丹五代史十一月契丹主會帝于營謂帝曰識量深遠真國主也天命有屬時不可成觀爾體貌恢廓議冊爾為天子帝飾讓久之既而諸軍勸請相繼乃命築壇于晉陽城南冊立為大晉皇帝契丹主自解衣冠授焉文曰維天顯九年歲次丙申十一月丙戌朔十二

日丁酉大契丹皇帝若曰於戲元氣肇開樹之以君天命不恒人輔以德故商政衰而周道盛秦德亂而漢圖昌人事天心古今靡異咨爾子晉王神鍾睿哲天贊英雄叶夢日以儲祥應澄河而啟運迨事數帝歷試諸艱武畧文經乃由天縱忠規孝節固自生知猥以眇躬奄有北土暨明宗之享國也與我先哲王保奉明契所期子孫順承患難相濟丹書未泯白日難欺顧予纂承匪敢失墜爾惟近戚實係本枝所以予視爾若子爾待予猶父也朕昨以獨夫從珂本非公族竊據寶圖棄義忘恩逆天暴物誅翦骨肉離間忠良聽任矯諛威虐黎獻華夷震悚內外崩離知爾無辜為彼致害敢徵眾旅來逼嚴城雖併吞之志甚堅而幽顯之情何負達予聞聽深激憤驚乃命與師為爾除患親提萬旅遠殄羣兇但赴急難罔辭艱險果見神祇助順卿士協謀旌一麾而棄甲平山鼓三作而疆屍編野雖以遂予本志快彼羣心將期稅駕金河班師玉塞矧今中原無主四海未寧茫茫生民若墜塗炭况萬幾不可以暫廢大寶不可以久虛拯溺救焚當在此日爾有庇民之德格于上下爾有戡難之勳光于區宇爾有無私之行通乎神明爾有不言之信彰乎兆庶予懋乃德嘉乃丕績天之歷數在

爾躬是用命爾當踐皇極仍以爾自茲并土首建義旗
宜以國號曰晉朕永與爲父子之邦保山河之誓於戲
補百王之闕禮行茲盛典成千載之允執厥中亦惟無疆
其休其誠之哉禮畢帝鼓吹導從而歸始梁開國之歲
卽前唐天祐四年也潞州行營使李思安奏壺關縣庶
穰鄉人伐樹倒自分兩片內有六字如左書云天
十鄉鄉石進梁祖令藏于武庫然莫詳其義至帝卽位
識者曰天字取四十字則申字也帝卽位之年乃丙申也
又易云晉者進也國號大晉皆符契焉又帝卽位之前
一橋橋下大鼠與蛇鬪及日之申蛇不勝而死行人
觀者數百識者志之唐末帝果滅于申又未帝眞定
常山人也先人舊廬其側有古佛刹刹有石像忽搖
動不已人皆異之及重圍晉陽帝遣心腹何福輕騎求
援北蕃蕃主自將諸部赴之不以繪帛不以珠金若響
應聲謂福曰吾已兆于夢皆上帝命我非我意也時援
兵未至偽將張敬達引軍逼城設柵柵將成必有大風
暴雨柵無以立後築長城城就又爲水潦所壞城終不

能合晉陽有北宮宮城之上有祠曰毗沙門天王帝曾
焚修默而禱之經數日城西北闔正受敵處軍候報稱
夜來有一人長丈餘介金執及行于城上久方不見帝
心異之又牙城有僧坊曰崇福坊之廡下西北隅有泥
神神之首忽一日有煙生其騰郁如曲突之狀坊僧奔
赴以爲人火所延及俯而視之無所有焉事尋達帝帝
召僧之臘高者問焉僧曰貧道見莊宗將得天下曾有
此煙觀此噴湧甚于當時此可知矣自此日旁多有五
色雲氣如蓮芰之狀帝召占者視之謂曰此驗應誰占
者曰見處爲瑞更應何人又帝每詰旦使慰撫守陴者
率以爲常忽一夕已暝城上有號令之聲聲不絕者三
帝使人問之將吏云從上傳乘者皆知神助時城中復
有數家井泉暴溢不止及蕃軍大至合勢破之末帝之
衆似拉朽焉斯天運使然非人力也日帝言于契丹
主願以雁門已北及幽州之地爲壽仍約歲輸帛三十
萬契丹主許之北夢瑣言梁開平中潞州軍前李思
安奏壺關縣庶穰鄉人因伐樹倒分爲兩片內有六字
皆如左書曰天十四載石進乃圖其狀以獻仍付史館
爾後唐莊宗皇帝自晉王登位以爲應之中間石氏自
并門受國稱晉朝湖南馬希範解釋此字表聞焉

神錄梁開平二年使其將李思安攻潞州營于壺口關
伐木為柵破一大木木中朱書隸文六字曰天十四載
石進思安表上之其羣臣皆賀以為十四年必有遠夷
貢珍寶者其司天少監徐鴻謂所親曰自古無一字為
年號者上天符命豈關文乎吾以丙申之年當有石氏
王此地者移四字中兩豎畫置天字左右即丙字也移
四之外圍以十字貫之即申字也後至丙
申歲晉高祖以石姓起并州如鴻之言 已亥大赦改

元掌書記桑維翰為翰林學士尚書禮部侍郎知樞密

使事五代史天福元年十一月已亥帝御北京崇元殿

九日味爽已前應在京及諸州諸色罪犯及曾授偽命

職掌官吏并見禁囚徒已結正未結正已發覺未發覺

罪無輕重常赦不原者咸赦除之應明宗朝所行勅命

法制仰所在遵行不得改易其在京鹽貨元是官場出

糴自今後並不禁斷一任人戶取便糴易仍下太原府

更不得開場糴貨其麴每斤與減價錢三十文以節度

判官趙瑩為翰林學士承旨守尚書戶部侍郎知河東

軍府事以節度掌書記桑維翰為翰林學士守尚書禮

部侍郎知樞密院事以觀察判官薛融為吏部郎中兼

侍御史知雜事太原縣令羅周岳為左諫議大夫節度

推官竇貞固為翰林學士軍城都巡檢使劉知遠為侍

衛馬軍都指揮使客將景延廣為步軍都指揮使太原

少尹李玘為尚 閏月丙寅翰林學士承旨尚書戶部侍

書工部侍郎 郎趙瑩為門下侍郎桑維翰為中書侍郎同中書門下

平章事兼樞密使甲戌趙德鈞及其子延壽叛于唐來

降契丹鏖之以歸已卯次河陽節度使萇從簡叛于唐

來降原注是日廢帝猶在五代史劉在明幽州人少

軍使守光敗歸于太原唐莊宗收為列校明宗時為捧

聖左廂都指揮使領和州刺史從幸汴州至滎陽聞朱

守殷叛用為前鋒至汴城率先登城賊平授汴州馬步

軍都指揮使應順初為貝州刺史明年移趙州兼北面

行營馬軍都指揮使以軍成易州清泰末幽州節度使

兵敗在明奔歸懷州唐末帝令與長從簡同守河陽晉
 祖至乃迎之京都事定出為單州刺史天福中李金全
 以安州叛在明從李守貞攻之大破淮賊以功授安州
 防禦使明年移絳州楊光遠據青州平遷相州留後歷邢
 軍都指揮使領齊州防禦使青州平遷相州留後歷邢
 州晉州留後高祖踐阼授幽州道行營都部署時契丹
 守中山在明出師經畧契丹乃棄城而去遂授鎮州留
 後乾祐元年五月正授鎮州節度使六月以疾卒于鎮
 贈侍辛巳至自太原盧文紀姚顛罷甲申大赦殺張延
 朗劉延朗赦房嵩五代史閏十一月甲子晉安寨副招討使楊光遠等殺上將張敬達以諸
 軍來降丙寅制以翰林學士承旨知河東軍府戶部侍
 郎知制誥趙瑩為門下侍郎同中書門下平章事監脩
 國史以翰林學士權知樞密事禮部侍郎知制誥桑維
 翰為中書侍郎同中書門下平章事集賢殿大學士依
 前知樞密院事並賜推忠興運致理功臣甲戌車駕至
 昭義受趙德鈞延壽降是日契丹主舉酒言于帝曰予
 遠來赴義大事已成皇帝須赴京都今令大詳袞勒兵
 相送至河梁要過河者任意多予亦且在此州俟京

洛平定便當北轅執手相泣久不能別脫白貂裘以衣
 帝贈細馬二十匹戰馬一千二百匹仍誠曰子子孫孫
 各無相忘已卯至河陽北節度使萇從簡來降舟楫已
 具庚辰望見洛陽煙火相次有將校飛狀請進辛巳唐
 末帝聚其族與親將宋審虔等登元武樓縱火自焚而
 死至晚車駕入洛將兵解甲待罪皆慰而舍之帝止潛
 龍舊第百官稍見焉詔御史府促朝官入見詔文武
 兩班臣僚應事偽庭者並釋罪是日百辟謝恩于宮門
 之外甲申車駕入內御文殿受朝賀用唐禮樂制大
 赦天下應中外諸色職掌官吏內曾有受偽命者一切
 不問偽庭賊臣既滿盈理難容貸除此三人已行勅命指
 貪猥弄權罪既滿盈理難容貸除此三人已行勅命指
 揮外其有宰臣馬允孫樞密使房嵩宣徽使李專美河
 府節度使韓昭允等四人並令釋放少帝宜令中書門
 下追尊定謚擇日禮葬妃孔氏宜行追冊附葬應天下
 節度使刺史下賓席郡職及將校等委中書門下各與
 改轉官資其北京管內鹽鑛戶合納逐年鹽利昨者偽
 命指揮每斛須令人戶折納向來一斗五升極知百姓
 艱苦自今後宜令人戶便穩折納斛其洛京管內逐
 時價計定錢數取人戶便穩折納斛其洛京管內逐

年所配人戶食鹽起來年每斤特與減價錢十文應諸道商稅仰逐處將省司合收稅條例勝于本院前勝內該設名目者
十二月乙酉如河陽追降王從珂為庶人

原注王從珂
從晉人本語
丁亥司空馮道兼門下侍郎同中書門下

平章事已丑曹州指揮使石重立殺其刺史鄭阮五代鄭

阮洛州人也少為本郡牙將唐莊宗畧地山東以阮首歸義旗繼遷軍職阮有子自幼事明宗中門使安重誨

重誨以其桀黠愛之及明宗即位擢阮至鳳翔節度副使會末帝鎮其地阮稍狎之末帝嗣位以阮為趙州刺

史而阮性貪濁民間細務皆密察而糾之令納賂以贖罪有屬邑令因科釀拒命密以束素募人陰求其過後

竟停其職人甚非之又嘗以郡符取部內凶肆中人隸其籍者遣于青州昇喪至洛郡人憚其遠願輸直百緡

以免其行阮本無喪即受直放還識者曰此非吉兆也未幾改曹州刺史為政愈弊高祖建議入洛阮自郡來

朝旋為本州指揮使石重立所殺舉族無子遺
辛卯御札求直言癸巳鎮州牙

內都虞候祕瓊逐其節度副使李彥珂同州裨將門鐸

殺其將楊漢賓庚子天平軍節度使王建立殺其副使

李彥贊早五代史十二月乙酉朔幸河陽餞送大詳袞

司空馮道守本官兼門下侍郎平章事宏文館大學士

以步軍都指揮使符彥饒為滑州節度使以河陽節度

使萇從簡為許州節度使以澤州刺史劉凝為華州節

度使以皇子重義為河南尹庚寅以滑州節度判官石

光贊為宗正卿辛卯以舊相姚顛為刑部尚書時自秋

不雨經冬無雪命羣官徧加祈禱癸巳以邠州節度使

張希崇為靈武節度使鄧州節度使皇甫遇為定州節

度使詔國朝文物制度起居閣宜依唐明宗朝事例
施行鎮州衙內都虞候祕瓊作亂逐副使李彥琦殺都
指揮使胡章同州小校門鐸殺節度使楊漢賓燒劫州
城丙申帝為明宗皇后曹氏薨舉哀于長春殿輟朝三
日詔封故東丹王李贊華為燕王遣前單州刺史李肅
部署歸葬本國以右拾遺吳涓為左補闕充樞密院學
士己亥以汴州節度使李周充西京留守以前河中節

度使李從璋為鄧州節度使磁州奏草寇攻城三日而退庚子帝為皇弟故彰聖指揮使敬殷沂州指揮使敬德檢校太子賓客敬友舉哀于長春殿以舊相盧文紀為吏部尚書以皇城使周環為大將軍充三司使以左贊善大夫馬重績為司天監青州奏節度使房知温卒詔鄆州王建立以所部牙兵往青州安撫中書門下奏請以來年二月二十八日帝慶誕日為天和節從之冊府元龜天福元年十二月宰臣馮道等奏曰臣聞惟睿作聖千年乃契于貞期大德曰生萬國咸思于令節將詮懿號仰慶休辰傾心未出于常名近意有塵于嘉會伏惟皇帝陛下應天順人握圖御寓拯寰瀛于否極俾動植以泰來允符鳴社之祥方顯繞樞之瑞而況斗柄正卯律吹仲春當帝王出震之方是天地同和之月斯辰誕聖眾靈咸歸顧前代而罕同在舊章而宜舉垂諸不朽簡編既溢于徽猷必也正名稱謂須符于景貺伏願以來年二月二十八日為天和節庶夫觴稱萬壽稍申將順之心節配四時永洽好生之德從之五代春秋丙申天福元年十一月帝在太原宮降制改元閏契月庚辰帝至京師以幽州及雁門以北地賂契丹十二月乙酉帝幸河陽餞契丹大相温

二年春正月癸亥安遠軍節度使盧文進叛降于吳

卯天雄軍節度使范延光殺齊州防禦使祕瓊戊寅兵

部侍郎李崧為中書侍郎同中書門下平章事樞密使

封唐宗室子為公及隋鄴公為二王後以周介公備三

恪原注唐宗室子史失其名書之以見二王後三恪猶存不必著其人也朔帝御文明殿受朝賀仗衛如式乙卯日有食之是夜

有赤白氣相間如耕墾竹林之狀自亥至丑生北濁過

中天明滅不定徧二十八宿徹曙方散丁巳故皇弟敬

德敬殷並贈太傅皇子重裔重進重英並贈太保右神

武統軍康思立卒輟視朝贈太子少師是日詔曰唐莊

宗陵名與國諱同宜改為伊陵應京畿及諸州縣舊有

唐朝諸帝陵并真源等縣並不為次赤却以畿甸緊望為定其逐處縣令不得以陵臺結銜考滿日依出選門官例指揮隔任後準格例施行其宋州亳州節度使刺史落太清宮使副名額庚申以前吏部郎中兼侍御史

知雜事王松為左諫議大夫水部郎中王易簡本官知
 制誥定州奏契丹改幽州為南京中書奏請立宗廟從
 之翰林學士工部侍郎和凝為禮部侍郎依前充職
 詔內外文武臣僚並與加恩皇基初造示普恩也
 少保致仕華溫琪卒贈太子保是日詔應朝臣中
 籍才特除外任者秩滿無遺闕將來擬官之時在
 任者不在此限安州上言節度使盧文進殺行軍
 率部下親兵過淮以前天平軍節度使盧文進殺
 中王建立為平盧軍節度使以守司空門下侍郎
 事宏文館大學士馮道兼諸道鹽鐵轉運等使天
 節度使兼中書令范延光改封秦國公加食邑實
 以端明殿學士禮部侍郎呂琦為檢校工部尚書
 監丙寅改中興殿為天福殿門名從之湖南節度
 王馬希範加食邑實封改賜功臣名號前昭義軍
 檢校太傅同平章事高行周起復李從溫荆南節
 前昭義軍節度使泰寧軍節度使李從溫荆南節
 南平王高從誨歸德軍節度使趙在禮並加食邑
 改賜功臣名號以端明殿學士戶部侍郎李崧為

侍郎判戶部以左諫議大夫王松判度支魏府范延
 奏當管夏津鎮捕賊兵士誤殺却新州防禦使秘
 延光將萌異志使人潛結于瓊諾之及是以瓊背
 密使精騎殺之由是延光反狀明矣以工部侍郎
 檢校右僕射為汾州刺史以前彰國軍節度使尹
 左千牛衛上將軍是日詔曰西天中印土摩竭
 國大菩提寺三藏阿闍梨沙門室利縛囉宜賜號
 大師庚午涇州節度使李德珣徐州節度使安
 州節度使康福延州節度使劉景巖襄州節度使
 進夏州節度使李彛殷並加食邑實封壬申正衙
 冊贈故皇弟皇子等兩子故契丹人皇王歸葬輟
 一冊日改汴州雍邱縣為杞縣避契丹諱也戊寅
 郎判戶部李崧為中書侍郎同中書門下平章事
 密使以權知樞密使事同中書門下平章事充樞
 集賢殿學士桑維翰為樞密使是日詔曰應天開
 已臨人宜覃繼絕之恩以廣延洪之道宜于唐
 中取一人封公世襲兼隋之鄴公為二王後以周
 公備三恪主其祭祀及赴大朝會以前鎮國軍節
 皇甫立為神武統軍以前宗正卿李郁為太子賓
 辰以吏部侍郎龍敏判戶部五代會要晉天福二

正月勅今後應朝臣中外有藉才特除外任者秩滿無遺
關將來擬官之時在外一任同在朝一任其陳乞外職
及不是特勅不在限又正月勅周以杞宋封夏殷
之後為二王後兼封魏之後為三恪唐以周隋之後封
公為人封公世襲兼隋之鄴國公為二王後以周宗屬中
一備三恪其主祀及赴大朝會委所司具典禮申奏其
唐朝宗屬中舊在朝及諸道為官者各據資歷考限滿
日從品秩序遷已出中書令參選冊府元龜晉高
祖天福二年正月王有身任奏皇帝到京未立宗廟者
夫以受命握圖既啟無疆之祚難創業拯黔黎之塗炭
規伏惟皇帝陛下歷數在躬一戎基構方開于萬祀恭
廓宇宙之氛靈寰區既定于難創業拯黔黎之塗炭
惟宗廟須切追崇將示肅恭豈宜稽緩臣等商量望令
所司速具制度典禮以聞尊祖敬先之既二月丁酉契丹
使皇太子解里來充五代史顯于洪猷從之尚食使安友規
使安審暉為鄜州節度使癸巳詔停北京西北面計度
司事吳越國王錢元瓘加食邑實封改賜功臣名號已

亥詔應諸道行軍副使等得替後且就私家取便安止
限一年後方得赴關當便與比擬王寅詔應諸道馬步
都虞候自今後朝廷更不差補委自藩方于本州衙前
大將中慎選久歷事任曉會刑獄者充以三年限仍不
得于元隨職員內差補以左散騎常侍孔昭序為太子
賓客尚書左僕射劉昫左僕射盧質並加食邑實封甲
辰以滄州留後馬全節為橫海軍節度使以太子賓客
韓暉為貝州刺史左羽林統軍羅周敬為右金吾衛上
將軍丙午以皇子左驍衛上將軍重信為檢校太保河
陽三城節度使以權知河陽軍州事周瓌為安州節度
使詔中外臣僚或因差使出入並不得薦屬人于藩鎮
希求事任如有犯者並準唐長興二年勅條處分戊申
中書舍人陳又改封贈者與加封贈母妻未叙封者並與
任刺史先代未封贈者與加封贈母妻未叙封者並與
叙封辛亥天和節帝御長春殿召左右街僧錄威儀殿
內譚經循舊式也五代會要晉天福二年勅其先
任諸道行軍副使等今後替罷一年後方得赴關其先
替在京者宜令中書門下據見有闕員除授仍勅諸道
知入不得晉天福二年勅今後中外臣僚或因差使
出入不得薦屬人于藩鎮希求事任如有犯者准長興

二年勅條處分其月勅諸道馬步都虞候今後朝廷更
不差補委逐州府于衙前大將中選久歷事任曉會刑
獄者充仍以三年為限不得於元隨職員中差補其今
日已前見在任者如無罪犯宜令終其月限候將來得
替仰本道於衙前收管不得赴闕冊府元龜二年二
月辛亥天和節帝御長春殿召左右街僧錄威儀入內
談三月庚辰如汴州五代史三月甲寅制北京留守太
經侍郎張鵬改兵部侍郎已未御史臺奏唐朝定令式
南衙常參文武百僚每日朝退于廊下賜食謂之常食
自唐末亂離常食漸廢仍于入閣起居日賜食每入閣
禮畢閣門宣放仗羣官俱拜謂之謝食至偽主清泰年
中入閣禮畢更差中使至正衙門口宣賜食百官立班
重謝此則交失唐朝賜食之意於禮實為太煩臣恐因
循漸失根本起今後入閣賜食望不差中使口宣準唐
明宗朝事例處分從之中書奏準勅故庶人三月七日
以王禮葬其妻男等並以禮葬請輟其日朝參一日從
之以宣徽院使楊彥詢為左監門衛上將軍依前充
宣徽使充州李從溫奏節度副使王謙搆軍士作亂尋
已處置丙寅詔王者省方設教靡憚于勤勞養士撫民

必從其宜便顧惟涼德肇啟不圖常務去于煩苛冀漸
臻于富庶念京城俶擾之後屬舟船焚蕪之餘饋運頓
虧支費除闕將別謀于飛輓慮轉困于生靈以此疾心
未常安席今以夷門重地梁苑雄藩水陸交通舟車畢
集爰資經度須議按巡寧免暫勞所期克濟今月二十
六日巡幸汴州云以前貝州刺史史圭為刑部侍郎充
諸道鹽鐵轉運副使前澤州刺史閻至為戶部侍郎詔
車駕經過州府管界所有名山大川帝王陵廟名臣祠
墓去路十里者宜令本州排比祗候駕經過日以酒脯
祭告左僕射劉昫等議立宗廟以立高祖已下四親廟
其始祖一廟射伏候聖裁御史中丞張昭遠議請依隋唐
之制立四廟推四世之中名位高者為太祖詔下百官
定議百官請依唐制追尊四廟為定從之甲戌以右龍
武統軍楊思權為左衛上將軍乙亥前鄜州節度使張
萬進加檢校太傅前宋州節度使李從敏加檢校太尉
以吏部郎中兼侍御史知雜事薛融為左諫議大夫以
兵部郎中段希堯為右諫議大夫戊寅以戶部尚書王
權為兵部尚書工部尚書崔居儉為戶部尚書兵部尚
書李麟為太子少保兵部尚書致仕裴皞為工部尚書
東上閣門使李守貞為右龍武將軍充職庚辰車駕離

京 五代會要晉天福二年三月御史臺奏唐朝令式
南衙常參官文武百官每日退朝于廊下賜食自唐末
亂離常食漸廢仍於入閣起居日賜食每入閣禮畢閣
門宣放仗羣臣俱拜謂之謝食至清泰年中入閣禮畢
更差中使至正衙門口宣賜食百官並立班重謝交失
本根今後入閣賜食望不差中使口宣從之其年四月
御史臺奏文武百官每月朔望入閣禮畢賜廊下食在
京時祇于朝堂幕次兩廊下今在行朝于正衙門外權
爲幕次房廊狹隘伏恐五月一日朝會禮畢准例賜食
于幕次難爲排比伏見唐明宗時兩省官于文明殿前
廊下賜食今未審入閣日權于正衙門內兩廊下排比
賜食爲復別有處分勅宜依明宗時舊規廊下賜食
夏四月丁亥赦囚蠲民租賦趙瑩使于契丹辛卯宣武
軍節度使楊光遠進助國錢契丹使宮苑使李可興來
五代史四月癸未朔至鄭州防禦使白景友進牲餼器
皿帝曰不出民力否景友曰臣畏陛下法皆辦于已俸
命收之甲申駕入汴州丁亥制應天福二年四月五日
昧爽已前諸道州府見禁囚徒大辟已下罪無輕重並

釋放天福元年已前諸道州府應係殘欠租稅並特除
免諸道係徵諸色人欠負省司錢物宜令自偽清泰元
年終已前所欠者據所通納到物業外並與除放昨若
行至鄭州滎陽縣界路旁見有蟲食及旱損桑麥處委
所司差人檢覆量與蠲免租稅河陽管內酒戶百姓應
欠天福元年閏十一月二十五日已前不敷年額麴錢
並放其諸處應經兵火者亦與指揮當罪卽誅式明常
典旣往可憫宜示深仁偽清泰中臣僚內有從誅戮者
仍逐處收葬天下百姓有年八十月已上者與免一子差徭
時致身所事稟千年之正氣流百代之令名宜命超贈
太師子孫量才叙錄應諸道州府管界有自偽命抽點
鄉兵之時多是結集劫盜因此畏懼刑章藏隱山谷宜
令逐處曉諭招攜各令復業自此今年四月五日已前爲
非者一切不問如兩月不歸業者復罪如初丁酉宣武
軍節度使侍衛親軍使楊光遠加兼侍衛中已亥陝州節
度使侍衛都虞候劉知遠加檢校太保庚子北京鄴都
徐兗二州並奏旱詔今後遠加檢校太保庚子北京鄴都
將封親王公主宜令並降制命餘從令式處分五代
會要晉天福二年四月月中書奏准翰林志凡赦書德音

立后建儲行大誅討拜免三公宰相命將制書並使白
 麻書不使印雙日起草侯開門鑰入而後進呈至隻日
 百僚立班於宣政殿樞密使引案自東上閣門出若拜
 免宰相即便付通事舍人餘付中書門下並通事舍人
 宣示若機務急速亦使雙日甚速者雖休暇亦追班宣
 示勅據翰林志言立后不言立妃言儲君不言親王公
 主兼三師位在三公之上又並不載今後立妃及拜免
 三師三公宰相命將封親王公主並降制命餘從合式
 五月壬戌御札求直言丁丑追尊祖考為皇帝妣為皇
 后高祖璟謚曰孝安廟號靖祖祖妣秦氏謚曰孝安元
 會祖榘謚曰孝簡廟號肅祖祖妣安氏謚曰孝簡恭祖
 昱謚曰孝平廟號睿祖祖妣米氏謚曰孝平獻考紹雍
 謚曰孝元廟號獻祖妣何氏謚曰孝元懿五代史夏五
 御崇元殿受朝賀仗衛如式詔洛京魏府管內所徵今
 年夏苗稅物等宜放五分之一以微旱故也丙辰御史

中丞張昭遠奏汴州在梁室朱氏稱制之年有京都之
 號及唐莊宗平定河南復廢為宣武軍至明宗行幸之
 時掌事者因緣修葺衙城遂挂梁室時宮殿門牌額當
 時識者或竊非之一昨車駕省方暫居梁苑臣觀衙城
 內齋閣牌額一如明宗行幸之時無都號而有殿名恐
 非典據臣竊尋秦漢已來寰海之內鑾輿所至多立宮
 名近代隋室于揚州立江都宮太原立汾陽宮岐州立
 仁壽宮唐朝于太原立晉陽宮同州立長春宮岐州立
 九成宮宮中殿閣皆題署牌額以類皇居請準故事于汴
 州衙城門權挂一宮門牌額則餘齋閣並可取便為名
 勅行關宜以大寧宮為名湖南青草廟舊封安流侯進
 封廣利公洞庭廟進封靈濟公磊石廟舊封昭靈侯進
 封威顯公黃陵二妃廟舊封懿節廟改封昭烈廟從馬
 希範之請也戊午以前成德軍節度判官張彭為太府
 卿壬戌詔在朝文武臣僚每人各進封事一件仍須實
 封通進務裨闕政用副虛懷甲子以虞部郎中知制誥
 于嶠為中書舍人以戶部郎中于邁為虞部郎中知制
 誥故太子少保致仕朱漢賓贈司空乙丑六宅使王繼
 宏送義州衙前收管前洛州團練使高信送復州收管
 二人于崇禮門內喧爭為臺司所劾故也戊辰翰林學

士戶部員外郎知制誥竇貞固改工部郎中知制誥翰
林學士都官郎中知制誥李慎儀改中書舍人仍賜金
紫並依舊充職庚午制封皇第二十一女為長安公主
封皇第十一妹烏氏為壽安長公主皇第十二妹史氏
為永壽長公主皇第十三妹杜氏為樂平長公主壬申
天雄軍節度使守太傅兼中書令興唐尹范延光進封
臨清王加食邑三千戶鳳翔節度使檢校太師兼中書
令西平王李從暉進封臨淄王昭信軍節度使侍衛兼
書令王建立進封臨淄王昭信軍節度使侍衛兼中書
指揮使景延廣改寧江軍節度使典軍如故太常卿梁
文矩奏定四廟謚號從之戊寅以中書舍人權知貢舉王
廟為御史中丞以翰林學士戶部侍郎知制誥崔稅為
延為御史中丞以翰林學士戶部侍郎知制誥崔稅為
兵部侍郎充承旨以翰林學士戶部侍郎知制誥崔稅為
檢校禮部尚書以太常卿以檢校禮部尚書太常卿梁文
矩為吏部尚書以御史中丞張昭遠為戶部侍郎以吏
部尚書盧文紀為太子少傅已卯詔大社內先收掌唐
朝罪人首級等宜令骨肉或先舊寮屬收葬其喪葬儀
注不得過制五代會要晉天福二年五月勅宜令在
朝文武臣寮每人各進封事一件仍須實封通進令在

五代史記卷八十一

晉天福二年五月勅青草湖廟安流侯改封廣利公洞
庭湖廟改封靈濟公磊石廟昭靈侯改封廣利威顯公
黃陵二妃懿節廟改封昭烈廟從湖南節度使馬希範
奏也又二年五月封魏博節度使范延光為臨清王
青州節度使王建立為臨淄王封鳳翔節度使李從暉
為岐王又晉靖祖孝安皇帝廟號安皇帝廟號安皇帝
福二年五月追尊孝安皇帝廟號安皇帝廟號安皇帝
簡皇帝追尊孝安皇帝廟號安皇帝廟號安皇帝廟號
年五月追尊孝安皇帝廟號安皇帝廟號安皇帝廟號
帝諱昱孝簡皇帝廟號安皇帝廟號安皇帝廟號安皇帝
月追尊孝安皇帝廟號安皇帝廟號安皇帝廟號安皇帝
紹雍孝安皇帝廟號安皇帝廟號安皇帝廟號安皇帝
追尊孝安皇帝廟號安皇帝廟號安皇帝廟號安皇帝
府元龜五月太常卿梁文矩奏奉勅旨定四廟謚號冊
號陵號者伏以四代祖朔州使君府君自天所祐應時
而生肇啟靈源始基鴻業謹案謚法寬容平天和曰安
事屢斷撫俗多方有明達之能無屈撓之事豈不謂之
寬容平天和乎又靖者柔德教眾之義也又義者行義不
失者也請備神主追尊諡曰孝安皇帝廟號安皇帝廟號
義陵三代祖右省常侍府君動靜有常夙夜匪懈憂人

五代史記卷八十一

三

若已視民如傷謹案謚法一德不懈曰簡富且不驕貴而好禮有典有則無怠無荒豈不謂一德不懈乎又肅者剛德克就之義惠者寬裕不苛者也請備神主追尊謚曰孝簡皇帝廟號肅祖陵曰惠陵皇祖振武僕射府君淳德不雜素風自高得安邊靜塞之機有阜俗濟民之術謹按謚法執事有制曰平積善積德允武允文動不為身行惟濟物豈不謂執事有制乎又翼者思睿深遠之義又康者安樂撫民者也請備神主追尊謚曰孝平皇帝廟號翼祖陵號康陵皇考洛州太傅府君天資睿德神贊沈機臨戎則有敵必摧撫卹則無民不悅謹案謚法主善行德曰元盡善盡美乃神乃聖功煥龍圖慶流鳳辰豈不謂主善行德乎又憲者博聞多能之義昭者明德有功者也請備神主追尊謚曰孝元皇帝廟號憲祖陵號昭陵勅所定翼祖宜改為睿祖昭陵改為昌陵餘並敬依又太常少卿裴垣奏奉勅定四廟皇后追尊謚議者伏惟四代祖妣秦氏積行芝蘭含貞閨壺徽猷令聞厥彰內則之賢懿靜柔明綽有禮閑之節諒非餘慶何啟昌期謹案謚法宣慈惠和曰元請追尊謚曰孝安元皇后伏惟三代祖妣安定太君安氏門稱盛族代謂良家修德行而義冠稽天蘊柔明而風昭齊禮

若非淑惠寧協休徵謹案謚法貴賢尚義曰恭請追尊謚曰孝簡恭皇后伏惟皇祖妣高平縣太君米氏令惠生知賢才天稟四德早聞於親戚一齊仍著于閨庭淑問常彰貞柔自固謹案謚法嚮惠德義曰獻請追尊謚曰孝平獻皇后皇妣南陽郡太夫人何氏族惟華貴德乃寬冲禮諧義聽之文詩協和鳴之詠履大跡而鍾慶耐神龍而克祥固有靈符求宏景祚謹按謚法溫柔六聖善曰懿請追尊謚曰孝元懿皇后勅敬依典禮

月癸未契丹使夷離畢來天雄軍節度使范延光反丁

西傳箭于義成軍節度使符彥饒丁未楊光遠為魏府

四面行營都部署東都巡檢張從賓反五代史張從賓

始事唐莊宗為小校從戰有功唐天成中自捧聖指揮使領澄州刺史遷左右羽林都校從藥彥稠討楊彥溫

于河中平之長與中領壽州忠正軍節度使加檢校太保侍衛步軍都指揮使從賓素便佞每進言明宗多納

之有供奉官丁延徽者性貪狡時奉詔監廩以犯賊下獄權貴多為救解明宗怒不許從賓因奏他事言及延

徽明宗曰非但爾言蘇秦說予亦不得也延徽竟就戮
 長興未從賓出鎮靈武加檢校太傅高祖即位受代入
 觀會駕東幸留從賓警巡洛下一日逢留司御史于天
 津橋從兵百人不分路而過排御史于水中從賓給奏
 其酒醉其兇傲如此及范延光據鄴城叛詔從賓為副
 部署使從楊光遠同討延光會延光使人誘從賓從賓
 時在洛陽乃起兵以應之先害皇子重信及入洛又害
 皇子重又取內庫金帛以給部伍因東據汜水關且欲
 觀望軍勢高祖命杜重威侯益分兵討之從賓大敗乘
 馬入河溺水而死焉又張延播者汝陽人也始為郡
 之牙將唐同光初明宗下其城因收隸左右天成中累
 授檢校司空兩河發運營田使柳州刺史長興元年出
 牧蔡州加檢校司徒入為左領軍衛大將軍充客省使
 伐蜀之役命為馬軍都監三年遷鳳州防禦使西面水
 陸轉運使高祖即位除東都副留守車駕幸汴遣兼洛
 京巡檢使張從賓作亂令延播知河南府事從賓敗伏
 誅

留守判官李遐死之
 五代史李遐兖州人也少為儒
 遷尚書庫部員外郎高祖即位以皇子重又保釐洛邑
 知遐強幹有守除為西京留守判官使之佐理復重其

廉勤兼委監西京左藏庫會張從賓作亂使人輦取繪
 帛以賞羣逆遐曰不奉詔書安敢承命遂為其下所害
 高祖聞而歎惜賻贈加等仍贈右諫議大夫其母田氏
 封京兆郡太君仍給遺所食月俸終母餘年其子俟服
 闋與官後又遣兖州節度使李從溫就**奉國都指揮使**
 其舊業賜牲幣綿帛等物以旌其忠也

侯益護聖都指揮杜重威討之從賓寇河陽殺皇子重

又寇河南殺皇子重信
 五代史六月壬午朔制宗正卿
 石奮之廟德行懿美宜示封崇用光遠祖之徽猷益茂

我朝之盛典贈奮太傅癸未契丹使伊勒希巴來聘致
 馬二百匹及人參貂鼠皮走馬木椀等物乙酉翰林學
 士司封員外郎知制誥王仁裕改都官郎中右贊善大
 夫盧損改右散騎常侍前朝有朝貶故也以祕書少監致
 仕劉頎為鴻臚卿致仕前光祿少卿尹玉羽以少府監
 致仕丙戌宰臣李崧上表讓樞密使于趙瑩以瑩佐命
 之元臣也詔不允以前義成軍節度使李彥舜為左武
 衛大將軍以左散騎常侍唐洎為檢校禮部尚書國子
 祭酒以前左龍武統軍李承約為左驍衛上將軍戊子

宰臣趙瑩自契丹使回癸巳東都奏瀛鄭兩州元係當道其刺史
 灘內舍屋幽州趙思温奏瀛鄭兩州元係當道其刺史
 常行周白彥球乞發遣至臣本府詔遣行周等赴關甲
 午六宅使張言自魏府迴奏范延光叛命滑州符彥饒
 飛奏有兵士自北來傳范延光到黎陽乞發兵屯禦宣
 遣客省使李守貞往延光所問罪尋命護聖都指揮使
 白奉進領騎士一千五百赴白馬渡巡檢乙未魏府范
 延光男閑廐使守圖送御史臺攝荆南節度使武泰軍節
 度觀察留後充荆南行軍司馬兼沿淮巡檢使襄州奏
 江水漲一丈二尺丁酉遣內班劉審交為魏府計度使
 滑州賜符彥饒以前磁州刺史劉審交為魏府計度使
 以東都巡檢使張從賓充魏府西南面都部署遣侍衛
 使楊光遠領步騎一萬赴滑州以東都副留守張延播
 充洛京都巡檢使白奉進奏捉得賊卒張柔稱范延光
 差澶州刺史馮暉充一行都部署元從都押衙孫銳充
 一行兵馬都監帝覽奏謂侍臣曰朕雖寡德寡謀自謂
 不居延光之下而馮暉孫銳過于兒戲寡朝夕就擒安能
 抗拒大軍為我之患乎天平軍節度使安審琦起復舊
 任翰林學士禮部侍郎和凝改端明殿學士乙巳范延

光差牙將王知新齋本到闕不令朝見收付武德司丁
 未詔侍衛使楊光遠充魏府四面部署以張從賓充副
 兼諸軍都虞候昭義節度使高行周充魏府西面都部
 署是日張從賓亦叛與范延光協謀害皇子河陽節度
 使重信皇子東都留守重義延光協謀害皇子河陽節度
 益護聖都指揮使杜重威領步騎五千往屯汜水關備
 從賓之亂也冊府元龜晉高祖天福二年六月壬午
 朔宗正卿石光贊奏昔周武王奄有天下過商容之閭
 必式見比干之墓即封蓋褒賞賢良尊崇忠義伏惟皇
 帝陛下顯膺天之命開創洪圖解網行仁救時順動樂業
 不知于帝力悅隨但聽于山呼盛德難名太平可待臣
 伏見熒陽道左右石君廟本前大呼盛德難名太平可待臣
 子四人各二千石祿漢高祖曰人臣尊寵畢集其門故
 號萬石君德行懿純備列前書唐大中十三年鄭州司
 馬石貫稱裔孫刊石廟庭備紀其事伏遇皇帝行幸浚
 郊石君廟伏乞俯宏霈澤特賜崇封俾光遠祖之徽猷益
 茂我朝之盛典有旨待續施行石光贊為太子賓客光
 贊少為儒飽于遊宦後唐時歷諸藩從事晉高祖即位
 自滑州節度判官擢為宗正卿少時嘗有占者云子晚

歲當因姓氏為美官果如其言晉氏本出回鶻來自金山府明矣如後魏後周奄有天下非以生于中土則為貴焉始見太常禮官定石慶為始祖又光贊嘗以史傳苗裔纂成玉牒編次以獻高祖其間有晉魏以前官至拾遺補闕者聞者知其寡學

五代史纂誤今案晉家人傳云重信天福二年二月拜河陽三城節度使是歲范延光反詔前靈武節度使張從賓發河陽兵討延光從賓亦反重信見殺又云重義高祖幸汴州以為東都留守張從賓反攻河南見殺又劉昫傳亦云從賓殺重義于洛以此三傳而考于紀則正相違舛疑紀之誤也

從賓亦反重信見殺又云重義高祖幸汴州以為東都留守張從賓反攻河南見殺又劉昫傳亦云從賓殺重義于洛以此三傳而考于紀則正相違舛疑紀之誤也

秋七月從賓陷汜水關殺巡檢使宋廷浩王子右衛大將軍尹暉叛奔于吳不克伏誅

右監門衛大將軍婁繼英叛降于張從賓義成軍亂殺戍將侍衛馬步軍都指揮使白奉進甲寅戍將奉國指揮使馬萬執符彥饒

五代史馬萬澶州人也少從軍善水游唐莊宗與梁軍對壘于河上

莊宗于德勝渡夾河立南北寨會梁軍急攻南寨于中流聯戰艦以絕援路晝夜攻城者三日寨將氏延賞告

急于莊宗莊宗隔河望敵無如之何乃召人能水游破賊者時萬兄弟皆應募遂潛行入南寨往來者三又助

刺史累遷奉國左廂都指揮使泗州防禦使晉天福二年夏范延光叛于鄴牙將孫銳率兵至黎陽朝廷遣侍衛馬軍都指揮使白奉進領兵渡滑州萬亦預其行時

滑州節度使符彥饒潛通鄴下殺白奉進于牙署萬領本軍兵士將助亂會奉國右廂都指揮使盧順密亦以兵至諭以逆順萬不得已與順密趨公府執彥饒生

送闕下朝廷即以為滑州節度使而盧順密酬之甚淺居無何晉高祖稍知其事即鎮授上將軍以日疾致後漸薄于萬萬鎮鄧州未幾罷鎮授上將軍以日疾致仕乾祐三年四月歸于京師命殺之于赤岡

原注彥饒雖有縱軍之罪被誣以反而見殺故不書誅曰命殺嫌萬擅殺五代史方太字伯宗青州千乘人也少隸本軍為小校嘗戍登州劫海客事洩刺史淳于晏匿之遇赦免事定州節度使楊光遠光遠領兵赴晉陽本州軍亂太與馬

萬盧順密等擒之使太縛送至關尋從杜重威破張從
 賓于汜水以功除趙州刺史從楊光遠平范延光于鄴
 移刺萊州遷安州防禦使從少帝幸澶州與契丹戰于
 戚城中數創改鳳州防禦使行至中途遷河陽留後移
 邢州留後契丹犯關僞命遙領洋州其節度使充洛京巡
 檢與前洛州團練使李瓊俱至鄭州其屯駐兵士迫請
 太在城巡檢以備外盜號為鄭王時有嵩山賊帥張遇
 領眾萬餘于僧眾得梁朝故嗣密王朱乙遂推為天子
 取嵩山神冠冕之服以衣之張遇以其眾攻鄭州太與
 李瓊擊之賊眾奔走瓊中流矢而死乃括率郡中財
 物以賞軍士因誘之欲同西去其眾不從乃潛奔于
 洛陽及劉琚南走許州太殺琚牙校李暉入河南府行
 留守事既而嵩山賊帥張遇嗣密王傳首于太懸于
 洛市又有伊闕賊帥自稱天子領眾萬餘將入洛城集
 郊壇之上太率兵數百人逆擊破之賊眾遂潰河陽武
 行德遣使召太詐言欲推之為帥尋為行德所害又
 盧順密汶陽人也初事梁將戴思遠為步校思遠為鄆
 州節度使領步兵屯德勝渡留順密守其城順密覩北
 京日盛遂遁歸莊宗且言鄆城方虛可以襲而取之莊
 宗信之尋遣明宗率眾趨鄆果拔之由順密之始謀也

莊宗尋以順密列于帳下累遷為軍校明宗即位歷數
 郡刺史順密性篤厚臨諸軍撫百姓皆有仁愛之譽及
 高祖車駕幸夷門范延光據鄴城叛高祖命諸將相次
 領軍討之順密亦預其行時騎將白奉進屯于滑州尋
 為滑帥符彥饒所殺軍眾大亂爭荷戈拔刃嗷嗷于外
 時馬萬為步軍都校不為遏之順密未明其心乃率部
 曲數百趨謂諸軍及萬曰滑臺去行闕二百里我等家
 屬在闕下爾輩如此不思血族乎奉進見殺過在彥饒
 擒送天子必立大功乃引軍北攻牙城執彥饒于樓上使
 善諸軍遂不敢動乃引軍北攻牙城執彥饒于樓上使
 禪將方太押送赴闕滑城遂定朝廷即以馬萬為滑州
 節度使時飛奏皆以萬為首故也後數日高祖知功由
 順密尋以順密甚悼之贈驍衛上將軍乙卯楊光遠為魏
 府行營都招討使辛酉杜重威克汜水關原注張從賓
 誅書伏王申楊光遠克博州丙子安州屯防指揮使王暉

殺其節度使周瓌五代史周瓌晉陽人也少端厚善書
 計自高祖時歷鎮藩翰用為腹心累

職至牙門都校凡帑廩出納咸以委瓌經十餘年未嘗
 以微累見誤高祖甚重之及即位命權判三司事未幾
 辭曰臣才輕任重懼終不濟苟以避事昌寵獲罪願陞
 下哀其疲驚優以散秩臣之幸也高祖可之尋命權總
 河陽三城事數月改授安州節度使臨民有惠御軍甚
 嚴一境安之先是威和指揮使王暉領部下兵屯于安
 陸瓌至鎮待之甚厚俄聞范延光叛于魏博張延賓寇
 于汜水暉以瓌高祖之元臣也幸國朝方危遂害瓌于
 其所自總州事以襄陽安從進遣行則附之敗則渡江而遁斯
 其計也既而襄陽安從進遣行則附之敗則渡江而遁斯
 于要路以徵之李金全承詔繼至暉遂掠城中財帛士
 女欲奔江以南尋為其下所殺金全至盡誅其黨高祖聞
 瓌遇害歎惜久右衛上將軍李金全討之原注金全未
 殺故不書暉反不書克安州不書暉誅五代史七月
 辛亥兩浙錢元瓘奏弟吳越主客馬步諸軍都指揮使
 靜海軍節度使元球非時入府欲謀為亂腰下搜得匕
 首已誅戮訖詔削元球在身官爵甲寅奉國都指揮使
 馬萬奏滑州節度使符彥饒作亂屠害侍衛馬軍都指
 揮使白奉進尋以所部兵擒到彥饒差立功都虞候方

以太押送赴關尋賜死于路是日削奪范延光在身官爵
 以馬萬為滑州節度使以昭義節度使高行周為河南
 尹東都留守充西面行營諸軍都部署以護聖左右廂
 都指揮使杜重威為昭義軍節度使兼侍衛馬軍都指
 揮使充西面行營副都署以奉國都指揮使侯益為河
 陽節度使以右神武統軍王周充魏府行營步軍都指
 揮使以滑州節度使充東都留守兼魏府行營馬軍都指
 揮使左僕射劉昫充東都留守兼魏府行營馬軍都指
 奏收到汜水關破賊千人張從賓及其殘黨奔投入河
 兼收到汜水關破賊千人張從賓及其殘黨奔投入河
 送赴行闕升貝州為防禦使重額皇子故東都留守重
 贈太傅皇太子故河陽節度使重額皇子故東都留守重
 賓逆人張延播張繼祚等十人宜令收捕親的骨月並
 處斬丁卯以唐開府儀同三司守太尉兼中書令西平
 王李晟五代孫職為耀州司戶參軍示勸忠之義也壬
 申帝御崇元殿備禮冊四廟親授寶冊于使攝太尉守
 司空門下侍郎平章事馮道使副攝司徒守工部尚書
 裴皞赴洛京行禮甲戌以宰臣趙瑩判戶部以吏部侍
 郎判戶部龍敏為東都副留守詔洛京留司百官並赴
 關安州軍亂指揮使王暉害節度使周瓌于理所遣右

衛上將軍李金全領千騎赴安州
 二年七月以唐忠武公李晟五代孫胤為將仕郎耀州
 司戶參軍冊府元龜七月壬申帝御崇元殿備禮命
 使冊四廟于維京以四代祖朔州府君為孝安皇帝廟
 號靖祖以高祖妣秦氏為孝安元皇后以曾祖妣安定郡太君
 侍府君為孝簡皇帝廟號肅祖以曾祖妣安定郡太君
 安氏為孝簡恭皇后以皇祖母高平縣太君米氏為孝平獻
 皇帝廟號睿祖以皇祖母高平縣太君米氏為孝平獻
 皇太后以皇考維州太傅府君何氏為孝元皇帝廟號
 獻祖妣南陽郡太夫人何氏為孝元懿皇后八月丙
申靜難軍節度使安叔干進添都馬乙巳赦非死罪囚
及張從賓符彥饒王暉餘黨
 五代史八月辛巳以許州
 度使以陝州節度使侍衛馬步軍都虞候劉知遠為許
 州節度使以權北京留守徐州節度使安彥威為太原
 尹北京留守河東節度使宰臣監脩國史趙瑩奏請循
 近例依唐明宗朝凡有內廷公事及言動之間委端明
 殿學士或樞密院學士侍立冕旒繫日編錄逐季送當
 館其百司公事亦望逐季送當館旋要編脩日歷從之

丁亥以前宋州節度使李從敏為陝州節度使戊子以
 尚書左丞鄭韜光為戶部尚書致仕改元德殿為廣政
 殿門名從之庚子華州渭河泛溢害稼宰臣馮道加開
 府儀同三司食邑實封左僕射劉昫加特進兼鹽鐵轉
 運等使故東京留守判官李遐可贈右諫議大夫其母
 田氏封京兆郡太君子孫量才叙錄仍加購贈長給還
 在身祿俸終母之世先是還監左藏庫于洛陽會張從
 賓叛令強取錢帛遺拒而不與因放火劫舍持仗殺人
 已詔天下見禁囚徒除十惡五逆放火劫舍持仗殺人
 合造毒藥官典犯賊矢負官錢其放不自問輕重已發
 未發覺已結正未結正並從釋放應自張從賓作亂已
 來有曾被張從賓及張延播脅從染汚者及符彥饒下
 隨身將軍等兼安州王暉徒黨除已誅戮外並從釋放
 一切不問張繼祚在喪紀之中承逆豎之意顯從叛亂
 難貸刑章乃睠先臣實有遺德遽茲乏祀深所軫懷其
 一房家業準法雖已籍沒所有先臣并祖父母墳莊祠
 堂並可交付骨月主張應自梁朝後唐已來前後奉使
 及北京沿邊管界擄掠往向北人口宜令官給錢物差
 使齋持往取收贖放歸本家云繼祚故齊王全義之子
 也故有是詔丙午詔天下刑獄繫囚染疾者宜差醫工

治療官中量給藥價事輕者仍許家人看候合杖者俟
 損日決遣五代會要八月勅唐衛國公李靖宜封靈
 顯王按史傳鄭州東陂田後魏孝文帝賜僕射李
 從顯俗因謂僕射仍立祠廟年祀綿遠時俗誤傳為
 李靖祠明宗征朱守殷經過制贈太保遣左散騎常侍
 蕭希祠就行冊命仍立石記于廟因為唐衛公李靖之
 祠暨今封王蓋九月楊光遠進粟
 傳習之誤也
 舍人陳瓚為衛尉卿兼通事舍人王子故安遠節度使
 周環贈太傅甲寅皇子北京留守知河東軍府事太原
 尹重貴加檢校太保為右金吾衛上將軍以右領軍節度使
 軍安崇阮為右衛上將軍以前保大軍節度使檢校太
 尉張萬進為右龍武軍統軍以前右領軍衛上將軍權知
 安州軍州事李金全為安遠軍節度使魏府招討使楊
 光遠進攻城圖戊午以太子賓客孔昭序為工部尚書
 致仕將作少監高鴻漸上言伏觀近年已來士庶之家
 死喪之苦當殯葬之日被諸色音聲伎藝人等作樂攪
 擾求覓錢物請行止絕從之庚申靜江軍節度使檢校
 太尉同平章事馬希杲加階爵及功臣名號以前兵部
 侍郎楊疑式為檢校兵部尚書太子賓客故右金吾衛

上將軍羅周敬贈太傅乙丑鄧州節度使李從璋卒贈
 太師改興唐府為廣晉府與唐縣為廣晉縣癸酉以左
 諫議大夫判度支王松為尚書工部侍郎甲戌貝衛冬
 兩州奏河溢害稼乙亥以將作監王岷為太子賓客

十月辛巳禁造甲兵五代史十月壬午以宣徽南院使

威勝軍節度使詔選人試判兩道以左司郎中張瑑為
 右諫議大夫以刑部侍郎鹽鐵轉運副使史圭為吏部
 侍郎以曹州刺史宋光業為宣徽北院使以左金吾衛
 大將軍高漢筠為左驍衛大將軍充內客省使以宣徽
 北院使左驍衛大將軍劉處讓為左監門衛上將軍充
 宣徽南院使丙戌遣使祀五嶽四瀆故天平軍節度使
 閻寶追封太原郡王故大同軍節度使李存璋贈太師
 故瀛州刺史李嗣顏贈太尉故相州刺史史建瑭故代
 州刺史王建及並贈太保故幽州節度使周德威追封
 燕王十一月庚戌賜光遠空名官告自司空至常侍凡
 四十道將士立功者得補之而後奏中書上言準唐貞
 元二年九月五日勅文官充翰林學士及皇太子諸王
 侍讀武官充禁軍職事並不常朝參其在三館等諸職
 事者並朝參訖各歸所務自累朝以來文武在內廷充

職並判三司或帶職額及六軍判官等例不赴常朝元
無正勅準近勅文武職事官未升朝者按舊制並赴朔
望朝參其翰林學士侍讀三館職事望準元勅處分其
諸在內廷諸司使等每受正官之時來赴正衙謝後不
赴常朝大朝會不離禁廷位次三司職官免常朝唯赴
大朝會其京師未升朝官員祇赴朔望朝參帶諸司職
掌者不在此例外有兼官翰林端明殿學士樞密院學士
中書省知制誥外有兼官翰林端明殿學士樞密院學士
從之丙申太子賓客王岷卒改潞京潛龍宅為廣德宮
北京潛龍宅為興義宮戊午中書奏准雜令車駕巡幸
所抵承者賜贈並同京官從之戊辰鎮海鎮東節度使
吳越王錢元瓘加天下兵馬副元帥封吳越國王庚午
以右拾遺李澣充翰林學士甲戌命以太常卿程遜兵部
員外郎韋悅充吳越國王加恩使甲子以戶部侍郎張
昭遠守本官充翰林學士仍知制誥乙丑湖南馬希範
貢寶裝龍鳳器用結銀花果子等物帝覽之謂侍臣曰
奇巧蕩心斯何用耳但以來遠之道不欲阻其意聞者
服之壬申安州李金全上言奉詔抽臣元隨左都押衙
胡漢筠其人染重病候損日赴闕漢筠本滑吏也從金
全歷數鎮而濫聲喧聞帝知之欲授以他職免陷功臣

漢筠懼其罪遂託疾由是勸金全貳于朝廷自此始也
十二月以監察御史徐台符為尚書膳部員外郎知制
誥以左右補闕大夫薛融改中書舍人辭而不拜尚書
制誥左諫議大夫薛融改中書舍人故隴西郡王李嗣
部郎中韓王故橫海軍節度使安審通贈太師辛丑湖
昭節度使兼中書令楚王馬希範加食邑實封改賜扶
南節度使兼中書令楚王馬希範加食邑實封改賜扶
天佐運同德致理功臣甲辰車駕幸相國寺祈雪冊府
代會要晉天福二年十一月封李嗣昭為韓王冊府
元龜十月兩浙錢元瓘進天節大排方龍座金腰帶
一御衣十二月事錢元瓘進天節大排方龍座金腰帶
日有食之安州盧文進叛降于吳三月庚辰帝幸汴州
趙瑩使契丹六月天雄軍范延光拒命張從賓以京師
叛附于延光從賓殺皇子重信重義七月滑州符彥
僥盜殺安州周環越王元
瓘殺其弟元球誅張從賓

